

摘藻堂四庫全書薈要

史部

欽定四庫全書薈要

史部

資治通鑑卷一百八十八

九



詳校官編修臣汪鏞

欽定四庫全書薈要卷七千一百七十四

史部

資治通鑑卷一百八十八 宋 司馬光 撰

胡三省 音註

 唐紀四

起屠維單閼十一月盡重光
大荒落二月凡一年有奇

高祖神堯大聖孝皇帝中之上

武德二年十一月己卯劉武周寇浩州

武周復
寇西河

秦王

世民引兵自龍門乘冰堅渡河屯栢壁

栢壁在龍門關
東北宋白曰栢

壁在正平縣西南二
十里正平絳州治所與宋金剛相持時河東州縣

此河
東通

言大河以東非專指河東一郡

俘掠之餘未有倉廩人情恒擾

恒去王翻恒懼

也

聚入城堡徵斂無所得

斂力贍翻

軍中乏食世民發教諭

民聞世民為帥而來莫不歸附

此豈可以聲音笑貌致之帥所類翻

自

近及遠至者日多然後漸收其糧食軍食以充

孔子曰足食足

兵民信之矣民已信之足食足兵當知所先後也

乃休兵秣馬唯令偏裨乘間

抄掠

間古莧翻抄楚交翻

大軍堅壁不戰由是賊勢日衰世民嘗

自帥輕騎覘敵

帥讀曰率騎奇寄翻下同丑廉翻又丑艷翻下同

騎皆四散世

民獨與一甲士登丘而寢俄而賊兵四合初不之覺會

有蛇逐鼠觸甲士之面甲士驚寤遂白世民俱上馬

史言

世民之有天命上時掌翻

馳百餘步為賊所及世民以大羽箭射殪

其驍將

史言世民不惟有天命亦武藝絕人射而亦賊翻殪一計翻驍堅亮翻下同將即亮翻下同

騎乃退 李世勣欲歸唐恐禍及其父謀於郭孝恪孝

恪曰吾新事實氏動則見疑宜先立效以取信然後可

圖也世勣從之襲王世充獲嘉破之

是年閏二月王世充殺李育德取獲

嘉多所俘獲以獻建德建德由是親之初漳南人劉黑

闥少驍勇狡獪

舊志貝州漳南縣漢東陽縣地後魏省東陽縣隋開皇六年分襄強清平二縣

地復置東陽縣於東陽古城十八年改為漳南宋白曰
取地居漳水之南為名少詩照翻駢堅堯翻繪古外翻

與竇建德善後為羣盜轉事郝孝德李密王世充世充

以為騎將每見世充所為竊笑之世充使黑闥守新鄉

舊志隋分汲獲嘉二縣地於古新樂城置新鄉縣時屬
義州後屬殷州宋白曰漢書武帝將幸緱氏至汲縣之
新中鄉即此地新樂城十六國時燕樂安王臧所築李世勣擊虜之獻於建德建

德署為將軍賜爵漢東公常使將奇兵東西掩襲或潛

入敵境覘視虛實黑闥往往乘間奮擊克獲而還

問古
蒐翻

還從
宣翻

十二月庚申上獵于華山

華戶
化翻

于筠說永安

王孝基急攻呂崇茂

說輸芮翻

獨孤懷恩請先成攻具然後

進孝基從之崇茂求救於宋金剛金剛遣其將善陽尉

遲敬德尋相將兵奄至夏縣孝基表裏受敵軍遂大敗

將即亮翻舊志朔州善陽縣漢定襄縣地有秦時馬邑城武周塞後魏置柔乾郡隋大業初置善陽縣尉紆勿翻尋姓也姓苑晉有尋曾相息亮翻是年十月呂崇茂據夏縣夏戶雅翻考異曰高祖實錄云戰于下邳縣

按下邳乃在關中去夏縣殊遠實錄之誤也今從舊書孝基傳

孝基懷恩筠唐儉及行

軍總管劉世讓皆為所虜敬德名恭以字行上徵裴寂

入朝責其敗軍下吏

朝直還翻敗補邁翻下遐嫁翻

既而釋之寵待彌

厚尉遲敬德尋相將還滄州

滄州外翻

秦王世民遣兵部尚

書殷開山總管秦叔寶等邀之於美良川大破之斬首

二千餘級頃之敬德尋相潛引精騎援王行本於蒲反

騎奇寄翻下同

世民自將步騎三千從間道夜趨安邑

安邑古縣時屬

虞州將即亮翻間古莧翻趨七喻翻

邀擊大破之敬德相僅以身免悉俘

其衆復歸栢壁諸將咸請與宋金剛戰世民曰金剛懸

軍深入精兵猛將咸聚於是

將即亮翻下同

武周據太原倚金

剛為扞蔽軍無蓄積以虜掠為資利在速戰我閉營養

銳以挫其鋒分兵汾隰衝其心腹

汾隰隋龍泉西河二郡之地也孫恂曰汾

州本漢西河郡茲氏縣地魏於茲氏置西河郡今州城是也左傳曰重耳居蒲即隰川縣故蒲城是也漢為蒲子縣後魏齊周之間為汾州隋為隰州爾雅

曰下濕曰隰以州帶泉汨下濕故以隰名

彼糧盡計

窮自當遁走當待此機未宜速戰永安壯王孝基謀逃

歸劉武周殺之

李世勣復遣人說竇建德曰曹戴二

州戶口完實

隋置曹州於濟陰戴州於成武大業初廢二州併為濟陰郡大業亂復為州復扶又

翻說式

孟海公竊有其地與鄭人外合內離

王世充若

以大軍臨之指期可取既得海公以臨徐充

王世充時遣王世辯

據徐州徐國

河南可不戰而定也建德以為然欲自將

徇河南先遣其行臺曹旦等將兵五萬濟河

考異曰實錄在來

年正月今從革命記

世勣引兵三千會之

三年春正月將軍秦武通攻王行本於蒲反行本出戰

而敗糧盡援絕欲突圍走無隨之者戊寅開門出降

降戶

江辛巳上幸蒲州斬行本

蒲州治蒲反宋白曰蒲州漢之河東郡蒲反縣本舜都周

為虞虢耿揚芮之地戰國時魏地漢置河東郡

秦王世

後魏初置雍州延和元年改秦州後周改蒲州

民輕騎謁上於蒲州

騎奇寄翻下同

宗金剛圍絳州

絳州治正平

癸

已上還長安 李世勣謀俟竇建德至河南掩襲其營

殺之冀得其父并建德土地以歸唐會建德妻產久之

不至曹旦建德之妻兄也在河南多所侵擾諸賊羈屬

者皆怨之賊帥魏郡李文相號李商胡

帥所類翻相息亮翻考異曰

革命記作傷胡今從河洛記

聚五千餘人據孟津中渾

此即河陽中渾城也宋白

曰中渾城東魏所築仍置河陽關渾徒旱翻

母霍氏亦善騎射自稱霍總管

考異曰革命記商胡母張氏號女將軍今從河洛記

世勣結商胡為昆弟入拜

商胡之母母泣謂世勣曰竇氏無道如何事之世勣曰

母無憂不過一月當殺之相與歸唐耳世勣辭去母謂

商胡曰東海公許我共圖此賊事久變生何必待其來

不如速決是夜商胡召曹旦偏裨二十三人飲之酒盡

殺之

飲於
鵠翻

旦別將高雅賢阮君明尚在河北未濟商胡

以巨舟四艘濟河北之兵三百人至中流悉殺之有獸

醫遊水得免

獸醫以能醫牛馬從軍
將即亮翻艘蘇遭翻

至南岸告曹旦旦

嚴警為備商胡既舉事始遣人告李世勣世勣與曹旦

連營郭孝恪勸世勣襲旦世勣未決聞旦已有備遂與

孝恪帥數十騎來奔

帥讀曰率

商胡復引精兵二千

復扶又翻

北

襲阮君明破之高雅賢收衆去商胡追之不及而還

還從

宣翻又如字

建德羣臣請誅李蓋建德曰世勣唐臣為我所

虜不忘本朝乃忠臣也

朝直遙翻

其父何罪遂赦之甲午世

勣孝恪至長安曹旦遂取濟州

武德之初張青特據濟北濟北郡即濟州是後

建德與唐相持於虎牢張青特運糧為唐所獲蓋先以濟州降曹旦也濟子禮翻

復還洛州

復扶

又翻下同又音如字

二月庚子上幸華陰

華戶化翻

劉武周遣兵

寇潞州陷長子壺關

二縣皆屬潞州宋白曰潞州春秋潞子國秦漢為上黨郡後周立潞

州以其浸潞州刺史郭子武不能禦上以將軍河東王
汾潞為名

行敏助之

河東縣帶蒲州即蒲反也隋開皇十六年析蒲反置縣大業初并蒲反入焉

行敏

與子武不叶或言子武將叛行敏斬子武以徇乙巳武

周復遣兵寇潞州行敏擊破之壬子開州蠻冉肇則

陷通州

舊志開州隋巴東郡之盛山縣盛山漢巴郡之朐腮縣也義寧元年析巴東之盛山新浦通川

之萬世西流置萬州武德元年改開州通州漢宕渠縣地梁置萬州元魏改通州隋為通川郡武德元年復為通州孫恂曰通川本漢宕渠縣內有地萬餘頃因名為萬州後魏以萬州居四達之路改為通州宋為達州

甲寅遣將軍桑顯和等攻呂崇茂於夏縣

夏戶雅翻

初

工部尚書獨孤懷恩攻蒲反久不下失亡多上數以勅

書誚讓之

數所角翻
誚才笑翻

懷恩由是怨望上嘗戲謂懷恩曰

姑之子皆已為天子

謂隋煬帝
及上也

次應至舅之子乎懷恩

亦頗以此自負或時扼腕曰我家豈女獨貴乎

周明帝
后隋文

帝后及上母皆獨
孤氏腕烏貫翻

遂與麾下元君寶謀反會懷恩君寶

與唐儉皆沒於尉遲敬德

尉紆
勿翻

君寶謂儉曰獨孤尚書

近謀大事若能早決豈有此辱哉及秦王世民敗敬德

於美良川

敗補
邁翻

懷恩逃歸上復使之將兵攻蒲反

復扶
又翻

下同將即亮翻下同

君寶又謂儉曰獨孤尚書遂拔難得還

難乃旦翻

復在蒲反可謂王者不死儉恐懷恩遂成其謀乃說尉

遲敬德

說輸芮翻尉紆勿翻

請使劉世讓還與唐連和敬德從之

遂以懷恩反狀聞時王行本已降

降戶江翻下同

懷恩入據其

城上方濟河幸懷恩營已登舟矣世讓適至上大驚曰

吾得免豈非天也乃使召懷恩懷恩未知事露輕舟來

至即執以屬吏

屬之欲翻

分捕黨與甲寅誅懷恩及其黨

竇建德攻李商胡殺之建德至洺州勸課農桑境內無

盜商旅野宿 突厥處羅可汗迎楊政道立為隋王

楊政

道齊王暕遺腹之子厥九勿翻處昌呂翻可從刊入聲汗音寒

中國士民在北者處羅

悉以配之有衆萬人置百官皆依隋制居于定襄

此蓋隋之

定襄郡也治大利城

三月乙丑劉武周遣其將張萬歲寇浩州

將即亮翻

李仲文擊走之俘斬數千人

改納言為侍中內

史令為中書令給事郎為給事中

復舊官名也杜佑曰漢制給事中日上朝

謁平尚書奏事以有事殿中故曰給事中東漢省魏復置南北朝因之後周天官之屬有給事中掌治六經給事左右其後別置給事中在六官之外隋初於吏部置給事郎至煬帝移為門下之職置員四人以省讀奏章

至是改為給事中龍朔二年改東臺舍人咸亨元年復舊掌侍從讀署奏抄校正違失分判省事給事中蓋因漢之名行

周隋之職

甲戌以內史侍郎封德彝為中書令王

世充將帥州縣來降者時月相繼

帥所類翻降戶江翻

世充乃峻

其法一人亡叛舉家無少長就戮

少詩照翻長知兩翻

父子兄弟

夫婦許相告而免之又使五家為保有舉家亡者四鄰

不覺皆坐誅殺人益多而亡者益甚至於樵采之人出

入皆有限數公私愁窘

窘渠預翻

人不聊生又以宮城為大

獄意所忌者并其家屬收繫宮中諸將出討亦質其家

屬於宮中

將即亮翻
質音致

禁止者常不減萬口餒死者日有

數十世充又以臺省官為司鄭管原伊殷梁湊嵩谷懷

德等十二州營田使

世充以洛州為司州汜水為鄭州
管城為管州沁水為原州襄城為

伊州獲嘉為殷州睢陽為梁州湊州闕九域志鄭州古
跡有湊水當置湊州於此嵩陽為嵩州大谷為谷州河

內為懷州武
德為德州

丞郎得為此行者喜若登仙

丞郎尚書左
右丞及諸曹

郎也史言王
世充將敗

甲申行軍副總管張綸敗劉武周於浩

州敗補俘斬千餘人

西河公張綸

此張綸即上張綸
上書其官此書其

真鄉公李仲文引兵臨石州

石州隋之
離石郡

劉季真懼而

詐降乙酉以季真為石州總管賜姓李氏封彭山郡王

蠻酋冉肇則寇信州

按新志信州隋之巴東郡武德二年改為夔州史以舊州名書

之杜佑曰夔州春秋時為魚國梁置信州唐武德二年避皇外祖獨孤信諱改為夔州治奉節縣酋慈由翻

趙郡公孝恭與戰不利李靖將兵八百襲擊斬之

將即亮翻

俘五千餘人已丑復開通二州孝恭又擊蕭銑東平王

閼提斬之

閼視遮翻之拔其開通

考異曰舊書蕭銑傳云孝恭討二州斬其偽東平王蕭閼提按

實錄云冉肇則陷我通州又云孝恭復開通二州若二州本屬銑不當云我與復蓋肇則先據開州又陷通州

以地附銑銑使閼提助之耳

夏四月丙申上祠華山壬寅還長安

華戶化翻
還從宣翻

置益州道行臺以益利會郾涇遂六總管

隸焉

益州隋之蜀郡利州隋之義城郡梁之黎州晉之晉壽蜀之漢壽漢之葭萌也會州隋之涼川縣會

寧鎮西魏之會州也郾州隋之上郡西魏之敷州後魏之北華州中部敷城郡也太和中為東秦州涇州隋之安定郡遂州隋之遂寧郡漢之廣漢縣也
是時益州行臺所統起蜀跨隴而東北

劉武周數

攻浩州為李仲文所敗

數所角翻
敗補邁翻

宋金剛軍中食盡丁

未金剛北走秦王世民追之

羅士信圍慈澗

隋志河南郡壽

安縣有慈澗水經注新安有孝水
孝水東十里有水世謂之慈澗

王世充使太子玄應

救之士信刺玄應墜馬

刺七亦翻

人救之得免 壬子以顯

州道行臺楊士林為行臺尚書令

去年正月
楊士林降

甲寅加

秦王世民益州道行臺尚書令

秦王世民追及尋相

於呂州

新志義寧元年以晉州之霍邑趙城汾西汾州之靈石置霍山郡武德元年曰呂州呂州蓋治

霍邑也相
息亮翻

大破之乘勝逐北一晝夜行二百餘里戰數

十合至高壁嶺總管劉弘基執轡諫曰大王破賊逐北

至此功亦足矣深入不已不愛身乎且士卒饑疲宜留

壁於此俟兵糧畢集然後復進未晚也

復扶又
翻下同

世民曰

金剛計窮而走衆心離沮功難成而易敗機難得而易

失

沮在呂翻
易以致翻

必乘此勢取之若更淹留使之計立備成

不可復攻矣吾竭忠徇國豈顧身乎遂策馬而進將士

不敢復言饑

將即
亮翻

追及金剛於雀鼠谷一日八戰皆破

之俘斬數萬人夜宿於雀鼠谷西原世民不食二日不

解甲三日矣軍中止有一羊世民與將士分而食之

將即

亮翻丙辰陝州總管于筠自金剛所逃來

陝失冉翻去年
十二月筠為金

剛將
所擒

世民引兵趣介休

介休介州治所趨
七喻翻又遂須翻

金剛尚有衆

二萬出西門背城布陳

背蒲妹翻
陳讀曰陣

向北七里世民遣總

管李世勣與戰小却為賊所乘世民帥精騎擊之

帥讀曰率

騎奇寄翻

出其陳後金剛大敗斬首三千級金剛輕騎走世

民追之數十里至張難堡

張難蓋人姓名築堡自守因以名之

浩州行軍

總管樊伯通張德政據堡自守世民免胄示之堡中喜

譟且泣左右告以王不食獻濁酒脫粟飯尉遲敬德收

餘衆守介休

尉紆勿翻

世民遣任城王道宗宇文士及往諭

之

任音壬

敬德與尋相舉介休及永安降

永安漢中陽縣也後魏更名時

屬浩州雀鼠谷在永安介休二縣間

世民得敬德甚喜以為右一府統軍

使將其舊衆八千與諸營相參

將即亮
翻下同

屈突通慮其變

驟以為言世民不聽劉武周聞金剛敗大懼棄并州走

突厥金剛收其餘衆欲復戰衆莫肯從亦與百餘騎走

突厥

秦王之破劉武周宋金剛與破薛仁果宗羅暉
方畧一也復扶又翻走音奏下同厥九勿翻

世

民至晉陽武周所署僕射楊伏念以城降

降戶

唐儉封

府庫以待世民

唐儉與于
筠同被擒

武周所得州縣皆入于唐未

幾金剛謀走上谷突厥追獲腰斬之

金剛本起於上
谷幾居豈翻

嵐

州總管劉六兒從宋金剛在介休秦王世民擒斬之其

兄季真棄石州奔劉武周將馬邑高滿政滿政殺之

去年

五月劉六兒降今年三月季真降而實附金剛武周今皆誅死

武周之南寇也其內史

令苑君璋諫曰唐主舉一州之衆直取長安所向無敵

此乃天授非人力也晉陽以南道路險隘縣軍深入

縣讀

曰懸無繼於後若進戰不利何以自還

還從宣翻

不如北連突

厥南結唐朝

厥九勿翻朝直遙翻

南面稱孤足為長策武周不聽

留君璋守朔州及敗泣謂君璋曰不用君言以至於此

久之武周謀亡歸馬邑事泄突厥殺之突厥又以君璋

為大行臺統其餘衆仍令郁射設督兵助鎮 庚申懷

州總管黃君漢擊王世充太子玄應於西濟州大破之

新志武德二年王世充將丁伯德以濟源縣來降
置西濟州曰西者以別濟北之濟州濟子禮翻 熊州

行軍總管史萬寶邀之於九曲又破之 辛酉王世充

陷鄧州 上聞并州平大悅壬戌宴羣臣賜繒帛使自

入御府盡力取之

唐御府蓋屬內侍省內府局六典內
府令掌中官府藏寶貨給納名數凡

朝會五品已上賜絹及雜絲金銀器於殿庭
者並供之今使各稱力自取繒帛繒慈陵翻 復唐儉官

爵仍以為并州道安撫大使

使疏吏翻

所籍獨孤懷恩田宅

資財悉以賜之

賞其發懷恩反謀也

世民留李仲文鎮并州劉武

周數遣兵入寇

此言武周未死之前數所角翻

仲文輒擊破之下城堡

百餘所

謂馬邑郡界城堡也

詔仲文檢校并州總管

檢校官未為真

五

月竇建德遣高士興擊李藝於幽州不克退軍籠火城

藝襲擊大破之斬首五千級建德大將軍王伏寶勇畧

冠軍中

冠古玩翻

諸將疾之

將即亮翻下同

言其謀反建德殺之伏

寶曰大王奈何聽讒言自斬左右手乎初尉遲敬德

將兵助呂崇茂守夏縣上潛遣使赦崇茂罪拜夏州刺

史蓋以夏縣為夏州使疏吏使圖敬德事泄敬德殺之

翻夏戶雅翻尉紆勿翻

敬德去崇茂餘黨復據夏縣拒守

復扶又翻

秦王世民引軍

自晉州還攻夏縣壬午屠之

考異曰高祖實錄帝曰平薛舉之初不殺奴賊致

生叛亂若不盡誅必為後患詔勝兵者悉斬疑作實錄者歸太宗之過於高祖今不取

辛卯秦

王世民至長安是月突厥遣阿史那揭多獻馬千匹

於王世充

厥九勿翻揭居謁翻

且求昏世充以宗女妻之

妻七細翻

并

與之互市

六月壬辰詔以和州總管東南道行臺尚

書令楚王杜伏威為使持節總管江淮以南諸軍事揚

州刺史東南道行臺尚書令淮南道安撫使進封吳王

賜姓李氏

使疏吏
翻下同

以輔公柝為行臺左僕射封舒國公

柝音
石

丙午立皇子元景為趙王元昌為魯王元亨為

鄧王顯州行臺尚書令楚公楊士林雖受唐官爵而

北結王世充南通蕭銑詔廬江王瑗與安撫使李弘敏

討之

瑗于
眷翻

兵未行長史田瓚為士林所忌甲寅瓚殺士

林降於世充世充以瓚為顯州總管

長知兩
翻瓚藏
旱翻降戶江翻

秦王世民之討劉武周也突厥處羅可汗遣其弟步利

設帥二千騎助唐

厥九勿翻處昌呂翻可從刊入聲汗音寒帥讀曰率騎奇寄翻

武周

既敗是月處羅至晉陽總管李仲文不能制又留倫特

勒使將數百人云助仲文鎮守自石嶺以北皆留兵戍

之而去

石嶺關在代州杜佑曰忻州定襄縣漢陽曲縣有石嶺關甚峻固

上議擊王

世充世充聞之選諸州鎮驍勇皆集洛陽

驍堅堯翻

置四鎮

將軍募人分守四城

謂洛陽四城也

秋七月壬戌詔秦王世民

督諸軍擊世充陝東道行臺屈突通二子在洛陽

時命通判

陝東道行臺左僕射從秦王東征屈區勿翻

上謂通曰今欲使卿東征如卿

二子何通曰臣昔為俘囚分當就死陛下釋縛加以恩

禮

事見一百八十四卷義寧元年十二月分扶問翻

當是之時臣心口相誓期

以更生餘年為陛下盡節

偽于翻

但恐不獲死所耳今得

備先驅二兒何足顧乎上歎曰徇義之士一至此乎

癸亥突厥遣使潛詣王世充潞州總管李襲譽邀擊敗

之

使疏吏翻敗補邁翻

虜牛羊萬計

驃騎大將軍可朱渾定遠

可朱渾虜三字姓驃匹妙翻騎奇寄翻

告并州總管李仲文與突厥通謀

欲俟洛陽兵交引胡騎直入長安甲戌命皇太子鎮蒲

反以備之又遣禮部尚書唐儉安撫并州暨廢并州總

管府

暫同

徵仲文入朝

朝直

壬午秦王世民至新安

九域

志新安在洛州西七十里

考異曰高祖實

王世充遣

錄丙戌至新安蓋据奏到之日

今從河洛記

魏王弘烈鎮襄陽

襄陽

荆王行本鎮虎牢宋王泰鎮懷

州齊王世憚檢校南城楚王世偉守寶城太子玄應守

東城漢王玄恕守含嘉城魯王道徇守曜儀城

六典東都皇城

在都城之西北隅東城在皇城之東皇城在東城之內
皇宮在皇城之北以地望準之南城蓋在皇城之南端
門之外曜儀城蓋在東城之東含嘉城則含嘉
倉城寶城即寶城朝堂蓋皇城也憚於粉翻

世充自

將戰兵

將即亮
翻下同

左輔大將軍楊公卿帥左龍驤二十八

府騎兵右游擊大將軍郭善才帥內軍二十八府步兵

左游擊大將軍跋野綱

跋野虜複姓帥讀曰率驤
思將翻騎奇寄翻下同

帥外

軍二十八府步兵總三萬人以備唐弘烈行本世偉之

子泰世充之兄子也 梁師都引突厥稽番兵入寇

厥九

勿翻行軍總管段德操擊破之斬首千餘級 羅士信將

前軍圍慈澗世充自將兵三萬救之己丑秦王將輕騎

前覘世充

覘丑廉翻
又丑艷翻

猝與之遇衆寡不敵道路險阨為

世充所圍

考異曰太宗實錄云師次穀州世充以兵三萬來拒戰太宗帥輕騎挑之衆寡不敵被圍

數重太宗引弓馳射皆應弦而倒獲其大將燕傾賊乃退舊書太宗紀云太宗命左右先歸獨留後殿世充驍

將單雄信數百騎夾道來逼交槍競進太宗幾為所敗太宗左右射之無不應弦而倒獲其大將燕傾單雄信

傳云太宗圍逼東都雄信出軍拒戰援槍而至幾及太宗徐世勣呵止之曰此秦王也雄信惶懼遂退太宗由

是獲免按劉餗小說英公勣與海陵王元吉圍洛陽元吉恃膂力每親行圍王世充召雄信酌以金碗雄信盡

飲馳馬而出槍不及海陵者一尺勣惶遽連呼曰阿兄此是勣王雄信乃攬轡而止顧笑曰胡兒不緣你且竟

舊書蓋承此致誤耳雄信若知是秦王則取之尤切安肯惶懼而退借如小說所云雄信既受世充之命指取

元吉亦安肯以勣故而捨之況元吉之圍東都勣乃從太宗在武牢今不取

世民左右馳射

獲其左建威將軍燕琪

燕因肩翻作燕頃太宗實錄作燕傾舊太

考異曰高祖實錄

宗紀作燕頃今從河洛記

世充乃退世民還營塵埃覆面

又翻敷

軍不

復識欲拒之

又翻復扶

世民免胄自言乃得入旦日帥步騎

五萬進軍慈澗

帥讀曰率騎奇守翻

世充拔慈澗之戍歸于洛陽

世民遣行軍總管史萬寶自宜陽南據龍門

此伊闕之龍門也鄺

道元曰伊水北入伊闕昔大禹疏以通水兩山相對望之若闕故謂之伊闕春秋昭公二十六年趙鞅使女寬

守闕塞即此傳毅反都賦曰因龍門以暢化開伊闕以達聰是後武后居東都數遊龍門正此地也

將軍

劉德威自太行東圍河內

行戶剛翻

上谷公王君廓自洛口

斷其餉道

斷丁管翻

懷州總管黃君漢自河陰攻迴洛城大

軍屯於北邙連營以逼之世充洧州長史繁水張公謹

與刺史崔樞以州城來降

世充蓋以扶溝鄆陵置洧州隋志繁水縣屬武陽郡唐貞

觀十八年併入昌樂縣屬魏州洧音于軌翻降戶江翻下同

八月丁酉南寧西爨

蠻遣使入貢初隋末蠻酋爨翫反誅諸子沒為官奴棄

其地

爨翫見一百七十八卷隋文帝開皇十七年十八年使疏吏翻酋慈由翻

帝即位以翫

子弘達為昆州刺史

新志昆州本隋置隋亂廢武德元年開南中復置領晉寧秦城等縣

令持其父尸歸葬益州刺史段綸因遣使招諭其部落

皆來降 已亥竇建德共州縣令唐綱殺刺史以州來

降

新志衛州共城縣武德元年置共州去年竇建德破降李世勣取衛州故共州亦附建德唐綱當是共城

縣令也共讀曰恭降戶江翻

鄧州土豪執王世充所置刺史來降

是年五月王

世充陷鄧州 癸卯梁師都石堡留守張舉帥千餘人

降

此石堡蓋在夏州東非開元天寶間與吐蕃爭之石堡城也守式又翻帥讀曰率下同

甲辰

黃君漢遣校尉張夜叉以舟師襲迴洛城克之

以舟師自懷州

度河襲破迴洛

獲其將達奚善定斷河陽南橋而還降其堡聚

二十餘

將即亮翻斷丁管翻還從宣翻聚才喻翻

世充使太子玄應帥楊

公卿等攻迴洛不克

考異曰革命記作公卿河洛記唐書作公卿今從之

乃築

月城於其西留兵戍之世充陳於青城宮秦王世民亦

置陳當之

今世以郊天齋宿大次為青城宮其地當在都城之南此青城宮若在洛城西北按六典

洛城西禁苑北拒北邙西至孝水南帶洛水支渠穀洛二水會於其間中有合璧翠微宿羽青城等十一宮陳

陣讀曰

世充隔水謂世民曰隋室傾覆唐帝關中鄭帝河

南世充未嘗西侵王忽舉兵東來何也世民使宇文士

及應之曰四海皆仰皇風唯公獨阻聲教為此而來

為于

偽世充曰相與息兵講好不亦善乎又應之曰奉詔取

東都不令講好也

好呼到翻

至暮各引兵還

上遣使與竇

建德連和建德遣同安長公主隨使者俱還

同安長公主上同母

妹黎陽之破沒於竇建德使疏吏翻長知兩翻

乙卯劉德威襲懷州入其外

郭下其堡聚九月庚午梁師都將劉旻以華池來降

以為林州總管

慶州華池縣西魏之蔚州後周州廢隋仁壽初置華池縣今置林州將即亮翻

降戶江翻

癸酉王世充顯州總管田瓚以所部二十五州

來降

是年六月田瓚降世充瓚藏旱翻

自是襄陽聲問與世充絕

世充使王

弘烈鎮襄陽自襄陽至洛路出南陽鄧州既屬唐南陽之路不可由矣則自顯州出蔡汝以至洛顯州今又降

唐故襄陽
聲問絕

史萬寶進軍甘泉宮

漢甘泉宮在京兆醴泉縣史萬寶自新安

進軍逼洛陽不應至漢之甘泉宮隋志河南壽安縣後魏之甘棠縣有顯仁宮或者以顯仁宮為甘棠宮也泉

恐當作棠丁丑秦王世民遣右武衛將軍王君廓攻轅轅拔

之新志洛州緱氏縣東南有轅轅故關轅音環王世充遣其將魏隱等擊君

廓君廓偽遁設伏大破之遂東徇地至管城而還隋志滎陽

郡管城縣舊曰中牟開皇十六年析置管城縣十八年省內牟入焉隋政中牟曰內牟時為管州治所將即亮

翻下同還從宣翻先是王世充將郭士衡許羅漢掠唐境先悉薦翻

君廓以策擊却之詔勞之曰勞力到翻卿以十三人破賊一

萬自古以少制衆未之有也

少詩
召翻

世充尉州刺史時德

叡帥所部杞夏陳隨許潁尉七州來降

王世充蓋置杞
州於雍丘夏州

於陽夏陳州於宛丘隨州無所考意洧州之誤也許州
於長社潁州於汝陰尉州於尉氏帥讀曰率降戶江翻

下秦王世民以便宜命州縣官並依世充所署無所變

易改尉州為南汴州於是河南郡縣相繼來降劉武周

降將尋相等多叛去諸將疑尉遲敬德囚之軍中

相息
亮翻

尉紆
勿翻

行臺左僕射屈突通尚書殷開山言於世民曰敬

德驍勇絕倫

屈九勿翻
驍堅堯翻

今既囚之心必怨望留之恐為

後患不如遂殺之世民曰不然敬德若叛豈在尋相之

後邪

邪音耶

遽命釋之引入卧内賜之金曰大夫意氣相

期勿以小嫌介意吾終不信讒言以害忠良公宜體之

必欲去者以此金相資表一時共事之情也辛巳世民

以五百騎行戰地

騎奇寄翻下同行視地形可置陳處行下孟翻

登魏宣武陵

魏宣武陵曰景陵在北邙山魏世宗諡宣武帝

王世充帥步騎萬餘猝至圍之

單雄信引槊直趨世民

帥讀曰率下同槊所角翻趨七喻翻

敬德躍馬大

呼橫刺雄信墜馬

呼火故翻刺七亦翻

世充兵稍却敬德翼世民

出圍世民敬德更帥騎兵還戰出入世充陳往反無所

礙屈突通引大兵繼至世充兵大敗僅以身免擒其冠

軍大將軍陳智略

陳讀曰陣下同冠古玩翻考異曰實錄丙戌太宗與世充相遇於宣武

陵擊大破之斬數千級獲陳智略舊書敬德傳太宗既釋之是日從獵於榆窠世充引步騎數萬來戰單雄信直趨太宗敬德刺雄信墜馬翼太宗出圍更率騎兵交戰擒陳智略据擒智略則宣武榆窠之戰共是一事也實錄据奏到日河洛記斬首千餘級獲排稍兵六十

排稍

言執排執稍者也稍與槩同

世民謂敬德曰公何相報之速也賜敬

德金銀一篋

篋古協翻

自是寵遇日隆敬德善避稍每單騎

入敵陳中敵叢稍刺之終莫能傷又能奪敵稍返刺之

刺七齊王元吉以善馬稍自負聞敬德之能請各去刃

相與校勝負敬德曰敬德謹當去之王勿去也既而元

吉刺之終不能中

去羌呂翻
中竹仲翻

秦王世民間敬德曰奪稍

與避稍孰難敬德曰奪稍難乃命敬德奪元吉稍元吉

操稍躍馬志在刺之

操七
刀翻

敬德須臾三奪其稍元吉雖

面相歎異內甚恥之

叛番陷嵐州

嵐虛
舍翻

初王世充

以邴元真為滑州行臺僕射濮州刺史杜才幹

隋志東
平郡鄆

城縣舊置濮陽郡開皇十六年置濮州大業初廢
州以鄆城縣屬東平蓋李密復置州也濮博木翻

故將也

將即亮翻

恨元真叛密

叛密事見一百八十六卷元年九月

詐以其衆

降之

降戶江翻下同

元真恃其官勢自往招慰才幹出迎延之

就坐

坐徂卧翻

執而數之曰

數所具翻又所主翻

汝本庸才魏公置汝

元僚

謂李密以爲長史

不建毫髮之功乃構滔天之禍今來送

死是汝之分

分扶問翻

遂斬之遣人齎其首至黎陽祭密墓

壬午以濮州來降

突厥莫賀咄設寇涼州總管楊恭

仁擊之爲所敗

厥九勿翻咄當沒翻敗補邁翻

掠男女數千人而去

丙戌以田瓚為顯州總管賜爵蔡國公

瓚藏旱嗣

冬十月

甲午王世充大將軍張鎮周來降

甲辰行軍總管羅

士信襲王世充破石堡拔之

水經注穀水自新安縣東流逕千秋亭又東逕雍谷

溪迴岫縈紆石路阻峽故亦有峽石之稱
考異曰河洛記作峽山堡今從實錄

士信又圍千

金堡

此於古千金塢築堡也水經注穀水逕周乾祭門北東至千金塢河南境簿曰河南縣城東十五里

有千金塢洛陽記曰千金塢舊塢
穀水魏時更修此塢謂之千金塢

堡中人罵之士信夜

遣百餘人抱嬰兒數十至堡下使兒啼呼詐云從東都

來歸羅總管既而相謂曰此千金堡也吾屬誤矣即去

堡中以為士信已去來者洛陽亡人出兵追之士信伏

兵於道伺其門開突入屠之

伺相吏翻

竇建德之圍幽州

也

是年五月建德兵攻幽州

李藝告急於高開道開道帥二千騎救

之建德兵引去開道因藝遣使來降

帥讀曰率騎奇寄翻使疏吏翻降戶

江戊申以開道為蔚州總管

蔚州隋雁門郡之靈丘上谷郡之飛狐縣地蔚紆勿

翻賜姓李氏封北平郡王開道有矢鏃在頰召醫出之

醫曰鏃深不可出開道怒斬之別召一醫曰出之恐痛

又斬之更召一醫醫曰可出乃鑿骨置楔其間

楔先結翻

骨

裂寸餘竟出其鏃開道奏妓進膳不輟

妓渠綺翻

竇建德

帥衆二十萬復攻幽州建德兵已攀堞

復扶又翻堞達協翻

薛萬

均萬徹帥敢死士百人從地道出其背掩擊之建德兵

潰走斬首千餘級李藝兵乘勝薄其營建德陳於營中

陳讀曰陣

填塹而出奮擊大破之

塹七艷翻

建德逐北至其城下

攻之不克而還

還從宣翻又音如字

李密之敗也

見一百八十六卷元年九

月楊慶歸洛陽復姓楊氏

楊慶歸密改姓事見一百八十四卷義寧元年十一月

及王世充稱帝

見上卷本年四月

慶復姓郭氏世充以為管州

總管妻以兄女

妻七細翻

秦王世民逼洛陽慶潛遣人請降

降戶江翻

世民遣總管李世勣將兵往據其城

將即亮翻下四將其將同

慶欲與其妻偕來妻曰主上使妾侍巾櫛者

櫛阻瑟翻梳也

欲

結君之心也今君既辜付託

辜負也

徇利求全妾將如君

何若至長安則君家一婢耳君何用為願送至洛陽君

之惠也慶不許慶出妻謂侍者曰若唐遂勝鄭則君家

必滅鄭若勝唐則吾夫必死人生至此何用生為遂自

殺庚戌慶來降復姓楊氏拜上柱國郇國公

郇音荀

時世

充太子玄應鎮虎牢軍於滎汴之間

滎當作滎言軍于滎澤汴水之間

聞之引軍趣管城

趣七喻翻又遠須翻

李世勣擊却之使郭孝恪

為書說滎州刺史魏陸

王世充蓋以滎陽縣置滎州作滎亦誤也

陸密請降

玄應遣大將軍張志就陸徵兵丙辰陸擒志等四將舉

州來降陽城令王雄帥諸堡來降秦王世民使李世勣

引兵應之以雄為嵩州刺史

新志陽城縣屬洛州又云武德四年王世充僞令王

雄來降以陽城嵩陽陽翟置嵩州與此所書稍差二三月

嵩南之路始通

嵩南謂嵩山以南

魏陸使張志詐為玄應書停其東道之兵令其將張慈

寶且還汴州又密告汴州刺史王要漢使圖慈寶要漢

斬慈寶以降玄應聞諸州皆叛大懼奔還洛陽詔以要

漢為汴州總管賜爵鄆國公

鄆五
稽翻

王弘烈據襄陽上

令金州總管府司馬涇陽李大亮安撫樊鄧以圖之十

一月庚申大亮攻樊城鎮拔之

隋志西城郡梁置梁州
尋改曰南梁州西魏改

東梁州尋改金州置總管府府置長史司馬舊志襄州
鄧城縣漢鄧縣屬南陽郡故樊城也宋改安養縣此時

樊城鎮當在
安養縣界

斬其將國大安下其城柵十四

將即
亮翻

蕭

銑性褊狹多猜忌諸將恃功恣橫好專誅殺

橫戶孟翻
好呼到翻

銑患之乃宣言罷兵營農實欲奪諸將之權大司馬董

景珍弟為將軍怨望謀作亂事泄伏誅景珍時鎮長沙

長沙潭州治所銑下詔赦之召還江陵景珍懼甲子以長沙來

降降戶江翻詔峽州刺史許紹出兵應之雲州總管郭子

和隋志定襄郡開皇五年置雲州總管府治大利城先與突厥梁師都相連結

既而襲師都寧朔城克之新志寧朔縣屬夏州後周置先悉薦翻厥九勿翻又

詢得突厥豐隙詢休正翻遣使以聞為突厥候騎所獲

使疏吏翻處羅可汗大怒因其弟子升子和自以孤危

請帥其民南徙

處昌呂翻可從刊入聲汗音寒帥讀曰率考異曰子和傳云四年拔戶口南

徙按處羅可汗以今年卒故置此

詔以延州故城處之

處昌呂翻

張舉劉

旻之降也

是年八月張舉降九月劉旻降

梁師都大懼遣其尚書陸季

覽說突厥處羅可汗曰比者中原喪亂

說輸芮翻比毗至翻長息浪翻

分為數國勢均力弱故皆北面歸附突厥今定楊可汗

既亡

是年四月劉武周敗亡

天下將悉為唐有師都不辭灰滅亦

恐次及可汗不若及其未定南取中原如魏道武所為

事見晉孝武帝紀

師都請為鄉導

鄉讀曰嚮

處羅從之謀使莫賀咄

設入自原州

平涼郡置原州處昌呂翻咄當沒翻

泥步設與師都入自延

州突利可汗與奚靺鞨入自幽州

可從刊入聲汗音寒奚與

契丹本皆東胡種保烏丸山者其後為奚保鮮卑山者其後為契丹靺鞨居肅慎地亦曰挹婁元魏時曰勿吉靺鞨而立翻契欺訖翻又音喫靺鞨莫撥翻靺鞨戶割翻考異

曰舊突厥傳大業中突利年數歲始畢遣領東牙之兵號泥步設頡利嗣位以為突利可汗按梁師都傳此際有泥步設又有突利可汗然則突利處羅時已為小可汗非頡利嗣位後也高祖寶錄云處羅欲分兵大掠中國於懷戎雁門靈武涼州四道俱入今從舊書梁師都傳
會竇建德之師自滄口西

入會于晉絳

滄口滄水之口在磁州滄陽縣界晉州隋之臨汾郡絳州隋之絳郡滄音金

莫

賀咄者處羅之弟咄苾也突利者始畢之子什鉢苾也

咄當沒翻
苾毗必翻

處羅又欲取并州以居楊政道

楊政道時
居定襄

其

羣臣多諫處羅曰我父失國賴隋得立

事見一百七十
八卷隋開皇十

九年此恩不可忘將出師而卒

卒子
恤翻

義成公主以其子與

射設醜弱廢之更立莫賀咄設

更工
衡翻

號頡利可汗乙酉

頡利遣使告處羅之喪

使疏
吏翻

上禮之如始畢之喪

去年
四月

始畢
卒

戊子安撫大使李大亮取王世充沮華二州

襄
州

南漳縣後周置沮州南漳漢之臨沮縣也隋廢沮州蓋
王世充復置漢南縣宋置華山郡西魏廢郡王世充蓋

取宋郡名而置華州也漢南縣唐貞觀八年省併入宜城沮子魚翻華戶化翻

是月竇建德

濟河擊孟海公

考異曰竇錄在十二月丙午蓋於時唐始聞之遣劉世讓攻洛州之日也今

從草命記初王世充侵建德黎陽建德襲破殷州以報之

殷州

治獲嘉此皆去年冬事

自是二國交惡信使不通及唐兵逼洛陽

世充遣使求救於建德

使疏吏翻考異曰隋季草命記曰世充亦自遣使求救於建

德云夏王或率領軍師來相救援王取東都河洛之地北收并汾南盡揚越充乃取京師蒲絳以西通蜀荆襄之境並據山河之險長為弟兄之國按世充止有河洛之地豈肯遽以賂建德借有是言建德亦何由肯信今從河洛記建德中書侍郎劉彬說建德曰天下大亂唐得關

西鄭得河南夏得河北共成鼎足之勢今唐舉兵臨鄭
自秋涉冬唐兵日增鄭地日蹙唐強鄭弱勢必不支鄭
亡則夏不能獨立矣

說輸芮翻
夏戶雅翻

不如解仇除怨發兵救

之夏擊其外鄭攻其內破唐必矣唐師既退徐觀其變
若鄭可取則取之并二國之兵乘唐師之老天下可取
也建德從之遣使詣世充許以赴援又遣其禮部侍郎
李大師等詣唐請罷洛陽之兵秦王世民留之不答

十二月辛卯王世充許亳等十一州皆請降

許州隋之
潁川郡亳

州隋之譙郡毫蒲
博翻降戶江翻

壬辰燕郡王李藝又擊竇建德軍

於籠火城破之

燕因肩翻

辛丑王世充隨州總管徐毅舉

州降

隨州隋之漢東郡

癸卯峽州刺史許紹攻蕭銑荆門鎮

拔之

荆門在荆州長林縣

紹所部與梁鄭鄰接

峽州北境接鄭之襄州東境接梁之

荆門二境得紹士卒皆殺之紹得二境士卒皆資給遣之

敵人愧感不復侵掠境內以安

復扶又翻

蕭銑遣其齊王

張繡攻長沙董景珍謂繡曰前年醢彭越往年殺韓信

卿不見之乎何為相攻

引漢高祖殺功臣事以恐動繡

繡不應進兵圍

之景珍欲潰圍走為麾下所殺銑以繡為尚書令繡恃

功驕橫

橫戶孟翻

銑又殺之由是功臣諸將皆有離心兵勢

益弱

史言蕭銑將亡

王世充遣其兄子代王琬長孫安世詣

竇建德報聘且乞師

長知兩翻

突厥倫特勒在并州大為

民患

是年六月突厥留倫特勒於并州厥九勿翻

并州總管劉世讓設策擒

之上聞之甚喜張道源從竇建德在河南

去年九月道源為建德所

執

密遣人詣長安請出兵攻洛州以震山東

竇建德都洛州洛音

名

丙午詔世讓為行軍總管使將兵出土門趣洛州

新志

恒州鹿泉縣有故井陘關一名土門關鹿泉漢之石邑也

己酉瓜州刺史賀拔行

威執驃騎將軍達奚肱

瓜州隋之煨煌郡驃騎寄

舉兵

反是歲李子通度江攻沈法興取京口

京口時屬揚州延陵縣

法興遣其僕射蔣元超拒之戰於虔亭

虔亭在毗陵西北虔丑極翻又

恥陵

元超敗死法興棄毗陵奔吳郡

毗陵至吳郡百八十里

於是

丹楊毗陵等郡皆降於子通

降戶江翻

子通以法興府掾李

百藥為內史侍郎國子祭酒

掾于絹翻

杜伏威遣行臺左僕

射輔公祐

祐音石

將卒數千攻子通

將即亮翻

以將軍闕璽王

雄誕為之副公祐度江攻丹楊克之進屯溧水

隋志丹楊郡治

江寧溧水以縣屬焉本溧陽縣開皇十八年更名自丹楊至溧水二百四十里溧音栗

子通帥衆

數萬拒之

帥讀曰率

公祐簡精甲千人執長刀為前鋒

簡選也分

別也又使千人踵其後曰有退者即斬之自帥餘衆復居

其後

帥讀曰率復扶又翻下同

子通為方陳而前

陳讀曰陣

公祐前鋒千

人殊死戰公祐復張左右翼以擊之子通敗走公祐逐

之反為所敗

敗補邁翻

還閉壁不出王雄誕曰子通無壁壘

又狃於初勝

狃女九翻

乘其無備擊之可破也公祐不從雄

誕以其私屬數百人夜出擊之

私屬親兵不在大軍名籍者

因風縱

火子通大敗降其卒數千人

降戶江翻

子通食盡棄江都保

京口江西之地盡入於伏威

廬和等州皆江西也

伏威徙居丹楊

子通復東走太湖

太湖在蘇州吳縣東南五十里

收合亡散得二萬人

襲沈法興於吳郡大破之法興帥左右數百人棄城走

吳郡賊帥聞人遂安遣其將葉孝辯迎之

聞人複姓今吳中亦以為

著姓賊帥所類翻將即亮翻

法興中塗而悔欲殺孝辯更向會稽

會稽

越州會古外翻

孝辯覺之法興窘迫赴江溺死子通軍勢復振

徙都餘杭

餘杭抗州

盡收法興之地北自太湖南至嶺

嶺五嶺也

東包會稽西距宣城

按子通之地西距宣城耳南境安能至嶺哉史大而言之耳會古外

翻

皆有之

廣新二州賊帥高法澄沈寶徹殺隋官據

州附於林士弘

隋志南海郡廣州信安郡新興縣梁置新州宋白曰新州秦始皇所取陸梁地

漢為合浦臨元縣晉

置新寧郡梁置新州漢陽太守馮盎擊破之

馮盎自大業之亂歸

嶺南未受朝命故書隋官守式又翻

既而寶徹兄子智臣復聚兵於新州

盜引兵擊之賊始合盜免胄大呼曰

呼火故翻

爾識我乎賊

多棄仗肉袒而拜

馮盎自其祖母洗夫人以來威令行於嶺南故然

遂潰擒寶

徽智臣等嶺外遂定 竇建德行臺尚書令恒山胡大

恩請降

恒山恒州恒戶
登翻降戶江翻

四年春正月癸酉以大恩為代州總管

代州隋之
雁門郡

封定

襄郡王賜姓李氏代州石嶺之北自劉武周之亂寇盜

充斥大恩徙鎮雁門

雁門漢廣武縣隋更名隋唐代州
皆治雁門漢雁門郡治陰館李大

恩豈徙鎮漢雁門邪宋白曰句注在代州西北三十五
里雁門界西陁山也始皇十三年移樓煩於善無縣今

句注山北下館城是也故續漢書云雁門郡理陰館建

安立新興郡陁北悉棄之其地荒廢魏文帝移雁門郡

南度句注置廣武城即今州西廣武故城是也後魏明

帝又移置廣武東古上館城內即今州城是也或曰李

大恩自恒山請降授代州總管故自恒山徙鎮雁門討擊悉平之 稽胡酋帥劉

公成部落數萬為邊寇

酋慈由翻帥所類翻公許延翻

辛巳詔太子建

成統諸軍討之

王世充梁州總管程嘉會以所部來

降

後魏置梁州於浚儀因古大梁城以名州也此時以浚儀為汴州而隋之梁郡治宋城縣宋城古睢陽也

漢梁國都之後魏以來以睢陽為梁郡王世充當於此置梁州

杜伏威遣其將陳正

通徐紹宗帥精兵二千來會秦王世民擊王世充

將即亮翻

帥讀曰率

考異曰舊書伏威傳太宗之圍王世充遣

使招之伏威請降高祖遣使就拜東南道行臺尚書令

江淮以南安撫大使上柱國封吳王賜姓李氏按伏威封吳王在太宗討王世充前今從高祖太宗實錄

甲

申攻梁克之

梁縣屬伊州杜佑曰汝州梁縣漢舊縣戰國時謂之南梁以別大梁少梁也

丙戌黔州刺史田世康

黔州隋之黔安郡古黔中也黔音琴

攻蕭銑五州

四鎮皆克之

秦王世民選精銳千餘騎皆皂衣玄甲

分為左右隊使秦叔寶程知節尉遲敬德翟長孫分將

之

騎奇寄翻下同尉紆勿翻翟長伯翻長知兩翻將即亮翻下同

每戰世民親被玄甲

帥之為前鋒

被皮義翻帥讀曰率下同

乘機進擊所向無不摧破敵

人畏之行臺僕射屈突通贊皇公竇軌

屈九勿翻軌封贊皇縣公贊皇

縣屬趙州隋開皇十六年置劉昫曰取贊皇山為名

引兵按行營屯

行下孟翻

猝與王

世充遇戰不利秦王世民帥玄甲救之世充大敗獲其

騎將葛彥璋

考異曰太宗實錄云初羅士信取千金堡太宗令屈突通守之世充自來攻堡通

懼舉烽請救太宗度通力堪自守且緩救以驕世充通舉三烽以告急太宗方出援之左右未獲從以兩騎而進遇賊騎將葛彥璋射之應弦而墜擒之於陳後軍亦繼至通軍復振表裏奮擊世充大敗俘斬六千餘人幾獲世充今從河洛記 俘斬六千餘人世充遁歸 李靖說趙郡王

孝恭以取蕭銑十策孝恭上之

說翰尚翻上時掌翻考異曰高祖實錄孝恭

獻平銑之策帝嘉納之太宗實錄李靖傳靖說趙郡王孝恭陳伐蕭銑之計獻以十策高祖以孝恭未更戎旅三軍之任一以委靖授靖行軍總管兼攝孝恭長史事孝恭傳時李靖亦奉使江南以策干孝恭孝恭善之委

以軍事蓋靖畫策
使孝恭上之耳

二月辛卯改信州為夔州

闕

以孝恭為總管使大造舟艦習水戰

艦戶

以

孝恭未更軍旅

更工
衙翻

以靖為行軍總管兼孝恭長史委

以軍事靖說孝恭悉召巴蜀酋長子弟

長知兩
酋才由翻

量才

授任置之左右外示引擢實以為質

量音良
質音致

王世充

太子玄應將兵數千人自虎牢運糧入洛陽秦王世民

遣將軍李君羨邀擊大破之玄應僅以身免世民使宇

文士及奏請進圍東都上謂士及曰歸語爾王

語牛
倨翻

今

取洛陽止於息兵克城之日乘輿法物圖籍器械

乘繩證翻

非私家所須者委汝收之其餘子女玉帛並以分賜將

士

將即亮翻

辛丑世民移軍青城宮壁壘未立王世充帥衆

二萬自方諸門出憑故馬坊垣塹臨穀水以拒唐兵

東都

城西連禁苑方諸門蓋自都城出禁苑之門也青城宮在禁苑中穀洛二水會於禁苑之中帥讀曰率下同塹

七艷翻

諸將皆懼世民以精騎陳於北邙登魏宣武陵以

望之謂左右曰賊勢窘矣悉衆而出徼幸一戰

騎奇寄翻陳讀

曰陣下同徼古堯翻

今日破之後不敢復出矣

復扶又翻下同

命屈突通

帥步卒五千度水擊之

屈居勿翻

戒通曰兵交則縱煙煙作

世民引騎南下身先士卒

先悉薦翻

與通合勢力戰世民欲

知世充陳厚薄與精騎數十衝之直出其背衆皆披靡

披普彼翻殺傷甚衆既而限以長堤與諸騎相失將軍丘行

恭獨從世民世充數騎追及之世民馬中流矢而斃行

恭回騎射追者發無不中

中竹仲翻射而亦翻

追者不敢前乃下

馬以授世民行恭於馬前步執長刀距躍大呼

距躍超距而跳

躍也杜預曰距躍超也呼火故翻

斬數人突陳而出得入大軍世充亦

帥衆殊死戰散而復合者數四自辰至午世充兵始退
世民縱兵乘之直抵城下俘斬七千人遂圍之驃騎將
軍段志玄與世充兵力戰深入馬倒為世充兵所擒兩
騎夾持其髻

驃匹妙翻騎奇寄翻髻古詣翻

將渡洛水志玄踴身而奮

二人俱墜馬志玄馳歸追者數百騎不敢逼初驃騎將
軍王懷文為唐軍斥候為世充所獲世充欲慰悅之引

置左右壬寅世充出右門

東都城南面三門中曰端門左曰左掖門右曰右掖門洛

水逕其前有天津永濟中橋三橋

臨洛水為陳懷文忽引槊刺世充世

充東甲槩折不能入

刺七亦翻折而設翻

左右猝出不意皆愕眙

不知所為懷文走趣唐軍

昭五吏翻趣七喻翻又遠煩翻

至寫口

洛城水中

於此寫放以流其惡因名之為寫口

追獲殺之世充歸解去東甲

去羌呂翻

袒

示羣臣曰懷文以槩刺我卒不能傷

卒子恤翻

豈非天所命

乎先是御史大夫鄭顒不樂仕世充多稱疾不預事

鄭顒

李密之臣為世充所獲疾其多詐故不樂仕焉先悉薦翻顒他鼎翻樂音洛

至是謂世充曰

臣聞佛有金剛不壞身陛下真是也臣實多幸得生佛

世願棄官削髮為沙門服勤精進以資陛下之神武

詭辭

以求

世充曰國之大臣聲望素重一旦入道將駭物聽

俟兵革休息當從公志頤固請不許退謂其妻曰吾東

髮從官志慕名節

東髮謂幼小總角時也

不幸遭遇亂世流離至

此側身猜忌之朝累足危亡之地

朝直遙翻累力委翻

智力淺薄

無以自全人生會有死早晚何殊姑從吾所好

好呼到翻

死

亦無憾遂削髮被僧服

被皮義翻

世充聞之大怒曰爾以我

為必敗欲苟免邪

邪音耶

不誅之何以制衆遂斬頤於市

頤言笑自若觀者壯之詔贈王懷文上柱國朔州刺史

朔州隋之
馬邑郡

并州安撫使唐儉密奏真鄉公李仲文與

妖僧志覺有謀反語

真鄉縣公也西魏置真鄉縣時屬綏州使疏吏翻妖於驕翔

又

娶陶氏之女以應桃李之謠諂事可汗甚得其意可汗

許立為南面可汗

可從刊入聲汗音寒

及在并州贓賄狼籍上命

裴寂陳叔達蕭瑀雜鞠之

瑀音禹

乙巳仲文伏誅庚戌王

泰棄河陽走

去年七月世充使泰守河陽

其將趙賈等以城來降

將即

亮翻夏休正翻降戶江翻

別將單雄信裴孝達與總管王君廓相持

於洛口

單慈淺翻

秦王世民帥步騎五千援之至轅轅雄信

等遁去君廓追敗之

輟音環敗
補邁翻

壬子延州總管段德操

擊劉公成破之

公許
延翻

斬首千餘級

乙卯王世充懷州

刺史陸善宗以城降

秦王世民圍洛陽宮城城中守

禦甚嚴大礮飛石重五十斤擲二百步

礮與砲同
匹貌翻

八弓

弩箭如車輻鏃如巨斧射五百步

八弓弩八弓共一秦
也如古連弩今之列

車弩亦其類
也輻音幅

世民四面攻之晝夜不息旬餘不克城中

欲翻城者凡十三輩皆不果發而死唐將士皆疲弊思

歸總管劉弘基等請班師世民曰今大舉而來當一勞

永逸東方諸州已望風歎服唯洛陽孤城勢不能久功

在垂成奈何棄之而去乃下令軍中曰洛陽未破師必

不還

還從
宣翻

敢言班師者斬衆乃不敢復言

復扶
又翻

上聞之

亦密勅世民使還世民表稱洛陽必可克又遣參謀軍

事封德彝入朝面論形勢

參謀之官蓋始
於此朝直遙翻

德彝言於上

曰世充得地雖多率皆羈屬

言羈廉屬
之而已

號令所行唯洛

陽一城而已智盡力窮克在朝夕今若旋師賊勢復振

復扶又翻
又音如字

更相連結後必難圖上乃從之世民遺世充

書

遺于季翻

諭以禍福世充不報 戊午王世充鄭州司兵

沈悅遣使詣左武侯大將軍李世勣請降

李世勣時屯管城使疏吏

翻降戶江翻

左衛將軍王君廓夜引兵襲虎牢

王君廓時屯洛口

悅

為內應遂拔之獲其荊王行本及長史戴胄

長知兩翻

悅君

理之孫也

沈君理仕陳為僕射

竇建德克周橋虜孟海公

資治通鑑卷一百八十八

欽定四庫全書薈要卷七千一百七十五

史部

資治通鑑卷一百八十九 宋 司馬光 撰

胡三省 音註

唐紀五

起重光大荒落三月
盡十二月不滿一年

高祖神堯大聖光孝皇帝中之中

武德四年三月庚申以靺鞨渠帥突地稽為燕州總

管

靺鞨有七種粟末靺鞨居寂南本附高麗隋煬帝
初其渠帥突地稽率其部來降居之柳城新志曰

隋於營州之境汝羅故城置遼西郡以處靺鞨降人
武德元年曰燕州突地稽隋書作度地稽帥所類翻

鞬音未鞬音
曷燕因肩翻

太子建成獲稽胡千餘人釋其酋帥

數十人

酋才由翻
帥所類翻

授以官爵使還招其餘黨劉公成

亦降

公許延翻降
戶江翻下同

建成詐稱增置州縣築城邑命降

胡年二十以上皆集以兵圍而殺之死者六千餘人

考異曰實錄前言四千餘戶後
云六千餘計蓋前言戶後言口也

公成覺變亡奔梁

師都

行軍總管劉世讓攻竇建德黃州拔之

黃州
闕

洺州嚴備世讓不得進會突厥將入寇上召世讓還

竇建德所署普樂令平恩程名振來降上遥除名振

永寧令

新志平恩縣屬洺州又所領雞澤縣有普樂縣寶建德平後廢入雞澤永寧縣屬洺州本

熊耳義寧二年更名時屬熊州按舊書除名振永年今此承新書之誤永年漢廣平縣也隋仁壽元年改

曰永年帶洺州舊志曰永年本漢曲梁縣地杜佑曰洺州春秋赤狄之地洺彌井翻厥九勿翻還從宣翻

又音如字

使將兵徇河北名振夜襲鄴

舊志鄴縣屬洺州後魏於

鄴置相州周末尉遲迴既平乃焚鄴以安陽為相州理所煬帝復於鄴改都大慈寺置鄴縣將即亮翻

俘其男女千餘人去鄴八十里閱婦人乳有漣者九

十餘人悉縱遣之鄴人感其仁為之飯僧

漣竹用翻乳汁為于

偽翻飯扶晚翻

突厥頡利可汗承父兄之資

頡利者啓民之子始畢處

羅之弟厥九勿翻可
從刊入聲汗音寒

士馬雄盛有憑陵中國之志妻

隋義成公主公主從弟善經

從才用翻

避亂在突厥與王

世充使者王文素共說頡利曰

使疏吏翻下同說式尚翻

昔啟民為

兄弟所逼脫身奔隋賴文皇帝之力有此土宇

事見隋文帝紀

子孫享之今唐天子非文皇帝子孫可汗宜奉楊政道

以伐之

楊政道時居定襄

以報文皇帝之德頡利然之上以中

國未寧待突厥甚厚而頡利求請無厭

厭於鹽翻

言辭驕慢

甲戌突厥寇汾陰

汾陰縣本屬蒲州時為泰州治所

唐兵圍洛陽掘

塹築壘而守之

塹七
艷翻

城中乏食絹一匹直粟三升布十

匹直鹽一升服飾珍玩賤如土芥民食草根木葉皆盡

相與澄取浮泥投米屑作餅食之皆病身腫脚弱死者

相枕倚於道

枕職
任翻

皇泰主之遷民入宮城也

見一百八
十三卷隋

義寧元年四月

凡三萬家至是無三千家雖貴為公卿糠覈不

充

孟康曰覈麥糠中不破者也晉灼曰覈音統京師人謂麤屑為統頭

尚書郎以下親自

負戴

負以肩背
戴以首

往往餒死竇建德使其將范願守曹州

將即亮
翻下同

悉發孟海公徐圓朗之衆西救洛陽至滑州王

世充行臺僕射韓洪開門納之已卯軍於酸棗

酸棗縣隋屬鄭

州此時屬東梁州

壬午突厥寇石州

石州隋之離石郡

刺史王集擊

却之 竇建德陷管州殺刺史郭士安又陷滎陽陽翟

等縣

滎陽縣屬鄭州陽翟縣隋屬汝州時屬嵩州

水陸並進汎舟運糧汴河

西上

上時掌翻

王世充之弟徐州行臺世辯

徐州隋之彭城郡

遣其

將郭士衡將兵數千會之

將即亮翻

合十餘萬號三十萬軍

於成臯之東原築宮板渚

成臯即虎牢東原即東廣武水經河水過成臯而東合汜

水又東逕板城北注云有津謂之板城渚口

遣使與王世充相聞先是建德

遺秦王世民書

使疏吏翻先悉薦翻遺于偽翻

請退軍潼關返鄭侵地

復修前好

好呼到翻

世民集將佐議之

將即亮翻

皆請避其鋒郭

孝恪曰世充窮蹙垂將面縛建德遠來助之此天意欲

兩亡之也宜據武牢之險以拒之

唐諱虎改虎牢為武牢

伺間而

動破之必矣

問古蒐翻

記室薛收曰世充保據東都府庫充

實所將之兵皆江淮精銳即日之患但乏糧食耳以是

之故為我所持求戰不得守則難久建德親帥大衆遠

來赴援

帥讀曰率

亦當極其精銳若縱之至此兩寇合從

從子

容轉河北之粟以饋洛陽則戰爭方始偃兵無日混一

之期殊未有涯也今宜分兵守洛陽深溝高壘世充出

兵慎勿與戰大王親帥驍銳先據成臯

帥讀曰率驍堅堯翻

厲兵

訓士以待其至以逸待勞決可克也建德既破世充自

下不過二旬兩主就縛矣世民善之收道衡之子也

薛道

衡為隋煬帝所殺隋之伐陳道衡知其必克收之識時審勢蓋有父風

蕭瑀屈突通封德

彝皆曰吾兵疲老世充憑守堅城未易猝拔

瑀音禹屈居勿翻易

以致翻下同

建德席勝而來鋒銳氣盛吾腹背受敵非完策

也不若退保新安以承其弊世民曰世充兵摧食盡上

下離心不煩力攻可以坐克建德新破海公將驕卒情

吾據武牢扼其咽喉

將即亮翻下同咽音煙

彼若冒險爭鋒吾取

之甚易

易弋鼓翻

若狐疑不戰旬月之間世充自潰城破兵

彊氣勢自倍一舉兩克在此行矣若不速進賊入武牢

諸城新附必不能守兩賊併力其勢必彊何弊之承吾

計決矣通等又請解圍據險以觀其變世民不許中分

麾下使通等副齊王元吉圍守東都世民將驍勇三千

五百人東趣武牢

驍堅堯翻趣七喻翻又遂須翻

時正晝出兵歷北邙

抵河陽趨鞏而去

鞏在東都之東一百一十里時世民大軍據鄆城西北以臨世充而圍之

故出兵向武牢歷北邙抵河陽而趨鞏趨與趣同音七喻翻

王世充登城望見莫之

測也竟不敢出癸未世民入武牢甲申將驍騎五百出

武牢東二十餘里覘建德之營

覘丑廉翻又丑艷翻

緣道分留從

騎

從才用翻下同

使李世勣程知節秦叔寶分將之伏於道旁

纔餘四騎與之偕進世民謂尉遲敬德曰

騎奇寄翻尉紆勿翻

吾

執弓矢公執槊相隨

槊色角翻

雖百萬衆若我何又曰賊見

我而還上策也

還從
宣翻

去建德營三里所建德遊兵遇之

以為斥候也世民大呼曰我秦王也引弓射之

呼火故
翻射而

亦翻
下同

斃其一將

將即
亮翻

建德軍中大驚出五六千騎逐之

從者咸失色

從才
用翻

世民曰汝弟前行吾自與敬德為殿

弟大計翻但也漢書多用
此弟字可考也殿丁練翻

於是按轡徐行追騎將至則

引弓射之輒斃一人追者懼而止止而復來

復扶又
翻下同

如

是再三每來必有斃者世民前後射殺數人敬德殺十

許人追者不敢復逼世民遂巡稍却以誘之

遂七苟翻
誘音酉下

同入於伏內世勣等奮擊大破之斬首三百餘級獲其

驍將殷秋石瓚以歸

瓚藏
早翻

乃為書報建德諭以趙魏之

地久為我有為足下所侵奪但以淮安見禮公主得歸

故相與坦懷釋怨

武德二年竇建德盡取趙魏虜淮安王神通及同安公主待淮安以客禮

次年八月遣公主歸

世充頃與足下修好已嘗反覆

武德二年王竇結好世充

竇建德絕之尋有疆場之爭好呼到翻

今亡在朝夕更飾辭相誘足下乃

以三軍之衆仰哺他人千金之資坐供外費

兵法曰興師十萬日

費千金

良非上策今前茅相遇彼遽崩摧

左傳隨武子曰前茅慮無杜預

注云軍行前有斥候躡伏茅明也
備慮有無也或曰以茅為旌識
郊勞未通能無懷愧

古者諸侯相見有郊勞之禮言建德來救
世充阻於唐兵使命不得通也勞力到翻
故抑止鋒銳

冀聞擇善欲使之擇善而從
若不獲命恐雖悔難追
立秦王

世民之子泰為衛王
夏四月己丑豐州摠管張長遜

入朝時言事者多云長遜久居豐州
張長遜隋末守豐州唐興來降至是

入朝豐州至長安二千六百六里朝直遙翻下同
為突厥所厚非國家之利
九厥

勿翻
長遜聞之請入朝上許之會太子建成北伐稽胡長

遜帥所部會之因入朝拜右武侯將軍
帥讀曰率下同
益州行

臺左僕射竇軌帥巴蜀兵來會秦王擊王世充以長遜

檢校益州行臺右僕射 己亥突厥頡利可汗寇雁門

李大恩擊走之

可從刊入
聲汗音寒

壬寅王世充騎將楊公卿

單雄信引兵出戰

騎奇寄翻將即
亮翻單音善

齊王元吉擊之不利

行軍總管盧君諤戰死 太子還長安 王世充平州

刺史周仲隱以城來降

洛州河陰縣古平陰也王世
充當於此置平州降戶江翻

戊申突厥寇并州初處羅可汗與劉武周相表裏寇并

州上遣太常卿鄭元璠往諭以禍福處羅不從未幾處

羅遇疾卒

處昌呂翻璚殊王翻幾居豈翻卒子恤翻考異曰舊書鄭元璚傳作叱羅可汗今從實

錄國人疑元璚毒之留不遣上又遣漢陽公瓌賂頡利

可汗以金帛頡利欲令瓌拜瓌不從亦留之

瓌古回翻

又留

左驍衛大將軍長孫順德

驍堅堯翻長知兩翻

上怒亦留其使者

瓌孝恭之弟也

孝恭時鎮夔州

甲寅封皇子元方為周王元

禮為鄭王元嘉為宋王元則為荆王元茂為越王竇

建德迫於武牢不得進留屯累月

考異曰舊書停留七十餘日新書六十

餘日案二月戊午沈悅始以武牢降唐至五月己未建德敗纔六十二日若沈悅今日降唐明日建德即至亦

不能自固又吳兢太宗勳史三月己卯建德率兵十戰
二萬次於酸棗去敗纔四十一日故但云留屯累月戰

數不利

數所角翻

將士思歸丁巳秦王世民遣王君廓將輕

騎千餘抄其糧運

抄楚交翻

又破之獲其大將軍張青特凌

敬言於建德曰大王悉兵濟河攻取懷州河陽使重將

守之更鳴鼓建旗踰太行入上黨

行戶剛翻

徇汾晉趣蒲津

趣七喻翻

如此有三利一則蹈無人之境取勝可以萬全二

則拓地收衆形勢益強三則關中震駭鄭圍自解為今

之策無以易此

凌敬之策善矣當是時洛城危急秦王定計而堅守之蓋計日而收功吾恐建

德未得至蒲州
洛城已破矣

建德將從之而王世充遣使告急相繼

於道王琬長孫安世朝夕涕泣請救洛陽

使疏吏翻長知兩翻

又

陰以金玉啗建德諸將以撓其謀

啗徒濫翻將即亮翻撓奴巧翻又奴教翻

諸將皆曰凌敬書生安知戰事其言豈可用也建德乃

謝敬曰今衆心甚銳天贊我也因之決戰必將大捷不

得從公言敬固爭之建德怒令扶出

令力丁翻

其妻曹氏謂

建德曰祭酒之言不可違也

凌敬蓋為建德國子祭酒

今大王自淦

口乘唐國之虛連營漸進以取山北

建德都洛州時在山南并代汾晉皆

山北也

又因突厥西抄關中唐必還師自救

厥九勿翻抄楚交翻

還從宣翻又音如字

鄭圍何憂不解若頓兵於此老師費財欲求

成功在於何日建德曰此非女子所知吾來救鄭鄭今

倒懸亡在朝夕吾乃捨之而去是畏敵而棄信也不可

謀者告曰建德伺唐軍芻盡牧馬於河北將襲武牢

謀達

協翻伺相吏翻

五月戊午秦王世民北濟河南臨廣武

此西廣武也

察敵形勢因留馬千餘匹牧於河渚以誘之

誘音酉

夕還

武牢已未建德果悉衆而至

此所謂善戰者因其勢而利導之也

自板渚

出牛口置陳北距大河西薄汜水南屬鵲山

水經注汜水南出浮

鵲山亦謂之方山北逕虎牢城東又北流注於河陳讀曰陣下同汜音祀屬之欲翻

亘二十里鼓

行而進諸將皆懼

將即亮翻懼其衆也

世民將數騎升高丘而望

之

將音如字領也騎奇寄翻

謂諸將曰賊起山東未嘗見大敵今度

險而囂

囂虛驕翻喧也

是無紀律逼城而陳有輕我心我按甲

不出彼勇氣自衰陳久卒饑勢將自退

所謂以計稽之也

追而

擊之無不克者與公等約甫過日中必破之矣

甫始也纔也

建德意輕唐軍遣三百騎涉汜水距唐營一里所止遣

使與世民相聞曰請選銳士數百與之劇

記音祀使疏吏翻劇戲也

今俗謂戲為則劇

世民遣王君廓將長槊二百以應之

槊色角翻相

與交戰乍進乍退兩無勝負各引還

還從宣翻又音如字

王琬乘

隋煬帝驄馬

煬余尚翻馬青白曰驄

鎧仗甚鮮迴出陳前以誇衆

鎧可亥翻迴戶頂翻陳讀曰陣

世民曰彼所乘真良馬也尉遲敬德請

往取之世民止之曰豈可以一馬喪猛士

尉紆勿翻喪息浪翻

敬

德不從與高甌生梁建方三騎直入其陳擒琬引其馬

馳歸衆無敢當者

騎奇寄翻

世民使召河北馬待其至乃出

戰建德列陳自辰至午士卒饑倦皆坐列

杜預曰士皆坐列言無鬪

志

又爭飲水逡巡欲退

後七倫翻

世民命宇文士及將三百

騎經建德陳西馳而南上

所以當敵也將即亮翻又音如字騎奇寄翻下同上時掌

翻

戒之曰賊若不動爾宜引歸動則引兵東出土及至

陳前陳果動世民曰可擊矣時河渚馬亦至乃命出戰

世民帥輕騎先進

帥讀曰率下同

大軍繼之東涉汜水直薄其

陳

薄迫也

建德羣臣方朝謁唐騎猝來朝臣趨就建德建

德召騎兵使拒唐兵騎兵阻朝臣不得過建德揮朝臣

令却

朝直
通翻

進退之間唐兵已至建德窘迫退依東陂竇

抗引兵擊之戰小不利世民帥騎赴之所向皆靡淮陽

王道玄挺身陷陳直出其後復突陳而歸

窘渠隕翻復
扶又翻又音

如再入再出飛矢集其身如蝟毛

蝟于貴翻蟲似豪猪
而小爾雅曰彙毛刺

是也勇氣不衰射人皆應弦而仆世民給以副馬使從已

於是諸軍大戰塵埃漲天世民帥史大柰程知節秦叔

寶宇文歆等卷旆而入

歆許今翻
卷讀曰捲

出其陳後

陳讀
曰陣

張唐

旗幟

幟昌
志翻

建德將士顧見之大潰

將即
亮翻

追奔三十里斬

首三千餘級建德中槩

中竹仲翻槩色角翻

竄匿於牛口渚車騎

將軍白士讓楊武威逐之建德墜馬士讓援槩欲刺之

騎奇寄翻援于

元翻刺七亦翻

建德曰勿殺我我夏王也能富貴汝

言得

我以獻則富貴也夏戶雅翻

武威下擒之

下馬擒之也

載以從馬

從才用翻

來

見世民世民讓之曰我自討王世充何預汝事而來越

境犯我兵鋒建德曰今不自來恐煩遠取建德將士皆

潰去所俘獲五萬人世民即日散遣之使還鄉里封德

彛入賀世民笑曰不用公言得有今日智者千慮不免

一失乎

用李左車之言

德彛其慙建德妻曹氏與左僕射齊善

行將數百騎遁歸洛州

洛州并翻

甲子世充偃師鞏縣皆降

乙丑以太子左庶子鄭善果為山東道撫慰大使

降戶江翻

下同使疏吏翻

世充將王德仁棄故洛陽城而遁

此漢魏故都之城也

亞

將趙季卿以城降秦王世民囚竇建德王琬長孫安世

郭士衡等至洛陽城下以示世充世充與建德語而泣

仍遣安世等入城言敗狀世充召諸將議突圍南走襄

陽

欲走襄陽就王烈王泰走音奏

諸將皆曰吾所恃者夏王夏王今

已為擒雖得出終必無成

考異曰舊書世充傳云諸將皆不答今從河洛記丙

寅世充素服帥其太子羣臣二千餘人詣軍門降

帥讀曰率

降戶江翻

世民禮接之世充俯伏流汗世民曰卿嘗以童子

見處

處昌呂翻

今見童子何恭之甚邪

邪音耶

世充頓首謝罪

於是部分諸軍

分扶問翻

先入洛陽分守市肆禁止侵掠無

敢犯者丁卯世民入宮城命記室房玄齡先入中書門

下省收隋圖籍制詔已為世充所毀無所獲命蕭瑀竇

軌等封府庫收其金帛頒賜將士

瑀音禹將即亮翻

收世充之

黨罪尤大者段達王隆崔洪丹薛德音楊汪孟孝義單

雄信揚公卿郭什柱郭士衡董叡張童兒王德仁朱粲

郭善才等十餘人斬於洛水之上

單慈淺翻新書云薛德音以移檄慢逆崔

弘丹以造弩多傷士前誅之次收段達等斬洛渚上初

溫公避國諱改弘丹為洪丹郭什柱意當作什佳

李世勣與單雄信友善誓同生死及洛陽平世勣言雄

信驍健絕倫

驍堅堯翻請盡輸已之官爵以贖之世民不許

考異曰舊傳云高祖不許按太宗得洛城即誅雄信何嘗稟命於高祖蓋太宗時史臣敘高祖時事有不厭衆心者皆稱高祖之命以掩太宗之失如屠夏縣之類皆是也世勣固請不能得涕泣

而退雄信曰我固知汝不辦事世勣曰吾不惜餘生與

兄俱死但既以此身許國事無兩遂且吾死之後誰復

視兄之妻子乎

復扶又翻

乃割股肉以啗雄信曰使此肉隨

兄為土庶幾不負昔誓也

幾居希翻

士民疾朱粲殘忍競投

瓦礫擊其尸須臾如冢

礫郎擊翻

囚韋節楊續長孫安世等

十餘人送長安

長孫之長知兩翻

士民無罪為世充所囚者皆

釋之所殺者祭而誄之

古者卿大夫歿則君命有司累其功德為文以哀之曰誄今誄

之者哀其無罪而死也誄魯水翻

初秦王府屬杜如晦叔父淹事王世

充淹素與如晦兄弟不協譖如晦兄殺之又囚其弟楚

客餓幾死

幾居依翻又音祁

楚客終無怨色及洛陽平淹當死

楚客涕泣請如晦救之如晦不從楚客曰曩者叔已殺

兄今兄又殺叔一門之內自相殘而盡豈不痛哉欲自

剄

剄到古頂翻

如晦乃為之請於世民淹得免死

為于偽翻

秦王世

民坐閭闔門

晉都洛陽其城西面北來第三門曰閭闔隋營新都唐六典所載都城皇城宮城苑

城諸門皆無閭闔蓋唐改之也閭戶臘翻

蘇威請見稱老病不能拜世民遣

人數之曰

見賢遍翻數所具翻又所主翻

公隋室宰相危不能扶使君

弒國亡見李密王世充皆拜伏舞蹈今既老病無勞相

見及至長安又請見不許既老且貧無復官爵卒於家

年八十二

史言蘇威之壽不若早夭卒子恤翻

秦王世民觀隋宮殿歎曰

逞侈心窮人欲無亡得乎命撤端門樓焚乾陽殿毀則

天門及闕

唐六典東都皇城南面三門中曰端門乾陽殿唐後於此起乾元殿宮城南面三門中曰

應天門蓋隋之則天門也唐六典曰毀建國門隋志東都城南面二門正南曰建國

廢諸道塲城

中僧尼留有名德者各三十人餘皆返初

返初服也尼女夷翻

前真定令周法明

真定縣隋帶恒山郡唐改郡為恒州

法尚之弟也

周法尚自

陳入隋

隋末結客襲據黃梅

隋志黃梅縣舊曰永興開皇初改曰新蔡十八年改

曰黃梅因黃梅山以名縣也劉昫曰黃梅漢新蔡縣地宋分置新蔡郡隋為縣屬新蔡郡

遣族子孝

節政新蔡

新蔡漢縣屬江夏郡吳為新蔡郡晉改為西陽又改為新陽梁改曰新水後齊改曰齊昌

隋開皇十八年復曰新蔡帶郡新音渠之翻

兄子紹則攻安陸

安陸漢縣屬江夏郡宋分

置安陸郡梁置南司州西魏置安州隋復為安陸郡

子紹德攻沔陽

沔陽漢竟陵縣地屬江夏

郡後周置復州大業初改沔州尋改為沔陽郡沔彌充翻

皆拔之庚午以四郡來降

降戶江翻下同

壬申齊善行以沔相魏等州來降

沔音名相息亮翻

考異曰革命記云五月七日善行等至沔州實錄云壬申沔相魏等州降者蓋降使到之日也月末又云裴矩

等以八璽降蓋時建德餘衆走至洛州欲立建德養子璽到之日也

為主徵兵以拒唐又欲剽掠居民還向海隅為盜善行

獨以為不可曰隋末喪亂剽匹妙翻喪息浪翻下同故吾屬相聚草

野苟求生耳以夏王之英武平定河朔士馬精強一朝

為擒易如反掌豈非天命有所屬夏戶雅翻易以非人

力所能爭邪邪音耶今喪敗如此守亦無成逃亦不免等

為亡國豈可復遺毒於民復扶又翻不若委心請命於唐必

欲得繒帛者繒慈陵翻當盡散府庫之物勿復殘民也復扶又翻

於是運府庫之帛數十萬段置萬春宮東街

萬春宮寶建德所築

以散將卒凡三晝夜乃畢

將即亮翻

仍布兵守坊巷得物者

即出無得更入人家士卒散盡然後與僕射裴矩行臺

曹旦帥其百官奉建德妻曹氏及傳國八璽并破宇文

化及所得珍寶請降於唐

武德二年建德破化及得八璽及珍寶帥讀曰率璽斯氏

翻降戶江翻

上以善行為秦王左二護軍

秦王所統置左三府右三府命為統

軍護

仍厚賜之初竇建德之誅宇文化及也隋南陽公

主有子曰禪師建德虎賁郎將於士澄問之曰

何承天姓苑有

於姓今浙間有此姓禪市連化及大逆兄弟之子皆當翻音奔將即亮翻於如字

從坐若不能捨禪師當相為留之偽翻公主泣曰虎賁

既隋室貴臣

按隋書帝紀大業初造龍舟於士澄已為上儀同往江南採木

茲事何須

見問建德竟殺之公主尋請為尼及建德敗公主將歸

長安與宇文士及遇於洛陽士及請與相見公主不可

士及立於戶外請復為夫婦公主曰我與君仇家今所

以不手刃君者但謀逆之日察君不預知耳訶令速去

訶翻虎士及固請公主怒曰必欲就死可相見也士及知

不可屈乃拜辭而去 乙亥以周法明為黃州摠管

黃州

治黃岡縣漢江夏郡西陵縣地齊曰南安又置齊安郡隋置黃州尋改永安郡

戊寅王世充

徐州行臺杞王世辯以徐宋等三十八州詣河南道安

撫大使任瓌請降

使疏吏翻任音壬瓌古回翻降戶江翻

世充故地悉平

竇建德博州刺史馮士美

隋志武陽郡聊城縣開皇十六年置博州

復推

淮安王神通為慰撫山東使徇下三十餘州建德之地

悉平 己卯代州摠管李大恩擊苑君璋破之 突厥

寇邊長平靖王叔良督五將擊之叔良中流矢

厥九勿翻將即

亮翻中師旋六月戊子卒於道

竹仲翻 恤翻 卒子

戊戌孟海公餘

黨蔣善合以鄆州孟噉鬼以曹州來降

鄆州隋之東平郡曹州隋之濟

陰郡鄆音運噉徒
濫翻降戶江翻

噉鬼海公之從兄也

從才
用翻

庚子營

州人石世則執摠管晉文衍

營州隋志
之遼西郡

舉州叛奉靺鞨

突地稽為主

靺鞨音末
鞨音曷

黃州總管周法明攻蕭銑安州

拔之

蕭銑蓋亦置安州
於隋安陸郡界

獲其總管馬貴遷

乙巳以石

驍衛將軍盛彥師為宋州總管安撫河南

驍堅
亮翻

乙卯

海州賊帥臧君相以五州來降拜海州總管

海州隋志
之東海郡

宋白曰魏武定七年
置海州帥所類翻

秋七月庚申王世充行臺王弘

烈王泰左僕射豆盧行褒右僕射蘇世長以襄州來降

襄州隋志之襄陽郡宋白曰襄州春秋穀鄧鄆盧羅都
之地秦為南陽郡地魏置襄陽郡以其地在襄山之陽

也江左置雍州
西魏改襄州

上與行褒世長皆有舊先是屢以書招

之先悉行褒輒殺使者既至長安上誅行褒而責世長

世長曰隋失其鹿天下共逐之陛下既得之矣豈可復

怒同獵之徒問爭肉之罪乎

使疏吏翻復扶又翻

上笑而釋之以

為諫議大夫

皆考異曰舊本紀及唐歷年代記唐會要
云五年六月置諫議大夫按世長自諫

議歷陝州長史天策府軍諮祭酒四年十一月已預十
八學士据舊職官志四年置諫議大夫今從之余按唐
六典秦漢曰諫大夫光武加議字杜齊集書省置諫議
大夫七人隋氏門下省亦置諫議大夫七人四年以前
唐未及置今

嘗從校獵高陵

如淳曰合軍聚衆有幡校擊鼓也周禮校人掌王田

始置之耳

獵之馬故謂之校獵師古曰如說非也此校謂以木相貫穿為闌校耳校人職云六廐成校是則以遮闌為義也校獵者大為闌校以遮禽獸而獵取也軍之幡旗雖有校名本因部校此無豫也原父曰予謂校讀如犯而不校亦競逐獵也

高陵縣屬京兆府大獲禽獸上顧羣臣曰今日畋樂乎

世長對曰陛下遊獵薄廢萬機不滿十旬未足為樂

樂音

洛

上變色既而笑曰狂態復發邪

復扶又翻邪音耶

對曰於臣

則狂於陛下甚忠嘗侍宴披香殿

程大昌雍錄慶善宮有披香殿又云慶善

宮高祖舊第也在武功渭水北余按下文世長言昔侍於武功若此殿正在武功舊宅世長縱是謫諫不應引以為言恐此殿不在慶善宮

酒酣謂上曰此殿煬帝之所為邪上曰

卿諫似直而實多詐豈不知此殿朕所為而謂之煬帝

乎對曰臣實不知但見其華侈如傾宮鹿臺

紂為傾宮鹿臺

非

興王之所為故也若陛下為之誠非所宜臣昔侍陛下於武功見所居宅僅庇風雨當時亦以為足今因隋之宮室已極侈矣而又增之將何以矯其失乎上深然之

甲子秦王世民至長安世民被黃金甲齊王元吉李

世勳等二十五將從其後鐵騎萬匹

被皮義翻將即亮翻騎奇寄翻

前

後部鼓吹

鼓吹軍樂也漢制萬人將軍得之司馬法軍中有鼓笛所以發壯勇薛居正曰義鏡問鼓

吹十二案合於何所答云周禮鼓人掌六鼓四金漢朝乃有黃門鼓吹崔豹古今注云張騫使西域得摩訶

勒一曲李延年增之分為二十八曲梁置鼓吹清商令二人唐又有柶鼓金鉦大鼓長鳴歌蕭笛合為鼓吹

十二案吹

俘王世充竇建德及隋乘輿御物獻於太廟

昌瑞翻

乘繩證翻

考異曰李勣傳云太宗為上將勣為下

將與太宗俱服金甲乘戎輅告捷于太廟今從唐歷行

飲至之禮以饗之

左傳歸而飲至以數軍實杜預注曰飲於廟以數軍徒器械及所獲也

乙丑高句麗王建武遣使入貢

句音駒麗鄰知翻

建武元之

弟也

高元見隋紀

上見王世充而數之

數所具翻又所主翻

世充曰

臣罪固當誅然秦王許臣不死丙寅詔赦世充為庶人

與兄弟子姪處蜀

處昌呂翻

斬竇建德於市

丁卯以天下

畧定大赦百姓給復一年

復方目翻下同

陝鼎函號虞芮六州

轉輸勞費

陝州治陝弘農縣本隋弘農郡義寧元年曰鳳林領弘農閩鄉湖城武德元年曰鼎州因

鼎湖為名武德三年以永寧靖置函州又義寧元年分盧氏長水桃林置號郡武德元年曰號州義寧元年以安邑虞鄉夏置安邑郡武德元年曰幽州管內久隔寇虞州二年以芮城河北永樂置芮州

戎並給復二年律令格式且用開皇舊制赦令既下而

王實餘黨尚有遠徙者治書侍御史孫伏伽上言兵食

可去信不可去陛下已赦而復徙之

治直之翻伽求加翻上時掌翻去羌

呂翻復扶又是自違本心使臣民何所憑依且世充尚

蒙寬宥況於餘黨所宜縱釋

考異曰伏伽表云今月二日發雲雨之制而赦書

乃十二日或脫十字也又云常赦所不免咸赦除之今赦無此文豈實錄錄赦文不盡歟

上從之王

世充以防夫未備置雍州解舍

按雍錄都城坊里圖雍州解舍後為京兆府在

光德坊雍於用

獨孤機之子定州刺史修德帥兄弟至

其所

曰帥讀

矯稱敕呼鄭王世充與兄世惲趨出修德等

殺之

武德二年正月獨孤機兄弟為世充所殺故修德報仇惲於粉翻考異曰舊傳作獨孤修今從河

洛記

詔免修德官其餘兄弟子姪等於道亦以謀反誅

隋末錢弊濫薄

言錢之弊也

至裁皮糊紙為之民間不勝其

弊

勝音升

至是初行開元通寶錢重二銖四參

按漢書律歷志權輕

重者不失黍象應劭註曰十黍為象十象為銖師古曰象孟音來戈翻此字讀亦音累紐之累二銖四象二百

四十黍也參當作象蓋筆誤也

積十錢重一兩輕重大小最為折衷

東竹

仲翻遠近便之命給事中歐陽詢撰其文并書迴環可讀

六典漢書百官表云給事中亦加官所加或博士大夫
議郎漢儀注諸給事中日上朝謁平尚書奏事分為左
右以有事殿中故曰給事中魏氏或為加官或為正員
晉氏隸散騎省宋齊隸集書省後周天官府置給事中
士隋曰給事郎唐曰給事中屬門下省掌侍奉左右分
判省事凡百司奏抄侍中審定則先讀而置之以駁正
違失撰其文者撰為八分篆隸一體考異曰薛璿唐
聖運圖云初進蠟樣文德皇后搃一甲故錢上有甲痕
云凌瑤唐錄政要云寶皇后按時寶
皇后已崩文德皇后未立今皆不取

以屈突通為陝

東道大行臺右僕射鎮洛陽以淮陽王道玄為洛州總

管李世勣父蓋竟無恙而還詔復其官爵

屈居勿翻陝
失冉翻李蓋

被虜見一百八十七卷武德二
年十月慈余亮翻還從宣翻

寶軌還益州

自平
洛還軌將

兵征討或經旬月不解甲性嚴酷將佐有犯無貴賤立

斬之鞭撻吏民常流血滿庭所部重足屏息

將即亮翻重直龍翻

屏必鄂翻

癸酉置錢監於洛并幽益等諸州秦王世民齊

王元吉賜三鑪裴寂賜一鑪聽鑄錢

賜以官鑪也鑪音爐鑪治也

自

餘敢盜鑄者身死家口配沒

河北既平上以陳君賓

為洛州刺史將軍秦武通等將兵屯洛州欲使分鎮東

方諸州又以鄭善果等為慰撫大使就洛州選補山東

州縣官竇建德之敗也其諸將多盜匿庫物及居閭里

暴橫為民患

洛彌并翻將即亮翻下同使疏吏翻橫戶孟翻

唐官吏以法繩之

或加捶撻

捶止樂翻

建德故將皆驚懼不安高雅賢王小胡

家在洛州欲竊其家以逃官吏捕之雅賢等亡命至貝

州

貝州隋志之清河郡

會上徵建德故將范願董康買曹湛及雅

賢等於是願等相謂曰王世充以洛陽降唐

降戶江翻

其將

相大臣段達單雄信等皆夷滅

相息亮翻單慈淺翻

吾屬至長安

必不免矣吾屬自十年以來身經百戰當死久矣今何

惜餘生不以之立事且夏王得淮安王遇以客禮

見一百八

十七卷二年十月夏戶雅翻

唐得夏王即殺之吾屬皆為夏王所厚

今不為之報仇

偽于將無以見天下之士乃謀作亂

卜

之以劉氏為主吉因相與之漳南

之往也舊志漳南縣屬貝州漢之東陽縣

隋開皇十八年分棗彊清平二縣地置漳南縣於古東陽城

見建德故將劉雅以其

謀告之雅曰天下適安定吾將老於耕桑不願復起兵

復扶又翻

衆怒且恐泄其謀遂殺之故漢東公劉黑闥時屏

居漳南

漢東公竇建德所封爵也屏必郢翻

諸將往詣之告以其謀黑闥

欣然從之黑闥方種蔬即殺耕牛與之共飲食定計聚

衆得百人甲戌襲漳南縣據之

考異曰革命記十月二十七日衆立黑闥為

漢東王建元天造即入漳南城錄縣官於獄發使告貝州及諸鎮戍等云今漢東王為夏王起義兵於漳南請軍會戰今據實錄甲戌七月十九日又黑闥陷相州乃稱王改元在五年正月今不取

是時諸道

有事則置行臺尚書省無事則罷之朝廷聞黑闥作亂

乃置山東道行臺於洺州

朝直遙翻洺彌并翻

魏冀定滄並置總

管府

滄州隋志之勃海郡

丁丑以淮安王神通為山東道行臺右

僕射

辛巳襄州道安撫使郭行方攻蕭銑都州拔之

襄州當作襄州詳見辯誤新志武德四年以竟陵之樂鄉及襄州之率道上洪置都州上書郡下書州竟陵之

樂鄉蓋蕭銑地也鄉音若

孟海公與竇建德同伏誅戴州刺史孟

噉鬼不自安

新志武德四年改曹州之成武宋州之單父楚丘置戴州噉徒濫翻

挾海公

之子義以曹戴二州反以禹城令蔣善合為腹心

禹城縣屬

齊州隋之祝阿也新舊志皆云天寶元年改祝阿為禹城此時未有禹城當考又前書蔣善合以鄆州來降此以禹城令書之亦未知為誰所命也善合與其左右同謀斬之八月丙

戌朔日有食之

丁亥命太子安撫北邊

丁酉劉黑

闥陷鄆縣

鄆縣屬貝州鄆音輸

魏州刺史權威

魏州隋志之武陽郡

貝州刺

史戴元祥與戰皆敗死黑闥悉取其餘衆及噐械竇建

德舊黨稍稍出歸之衆至二千人為壇於漳南祭建德

告以舉兵之意自稱大將軍詔發關中步騎三千使將

軍秦武通定州總管藍田李玄通擊之

藍田縣屬雍州時寄奇翻

又

詔幽州總管李藝引兵會擊黑闥 癸卯突厥寇代州

厥九勿翻

總管李大恩遣行軍總管王孝基拒之舉軍皆沒

甲辰進圍崞縣

崞縣屬代州崞音郭

乙巳王孝基自突厥逃歸李

大恩衆少

少詩沼翻

據城自守突厥不敢逼月餘引去 上

以南方寇盜尚多丙午以左武侯將軍張鎮周為淮南

道行軍總管大將軍陳智畧為嶺南道行軍總管鎮撫

之 丁未劉黑闥陷厯亭

舊志厯亭漢東陽地隋開皇十六年分鄆縣置隋志曰分

武城置時屬貝州

執屯衛將軍王行敏使之拜不可遂殺之

初洛陽既平徐圓朗請降拜兗州總管

兗州隋志之魯郡降戶江翻

封魯郡公劉黑闥作亂陰與圓朗通謀上使葛公盛彥

師安集河南行至任城

任城縣屬兗州任音士

辛亥圓朗執彥師

舉兵反黑闥以圓朗為大行臺元帥

帥所類翻

兗鄆陳杞伊

洛曹戴等八州豪右皆應之圓朗厚禮彥師使作書與

其弟令舉虞城降

舊志虞城縣屬宋州隋分下邑

彥師

為書曰吾奉使無狀為賊所擒

使疏吏翻下同

為臣不忠誓之

以死汝善侍老母勿以吾為念圓朗初色動而彥師自

若圓朗乃笑曰盛將軍有壯節不可殺也待之如舊河

南道安撫大使任瓌行至宋州屬圓朗反

宋州治睢陽時為宋城縣

使疏吏翻瓌古回翻屬之欲翻

副使柳濬勸瓌退保汴州

宋州西至汴州二百八十

里瓌笑曰柳公何怯也圓朗又攻陷楚丘

楚丘縣後魏之已氏縣隋

開皇六年更名時屬戴州

引兵將圍虞城瓌遣部將崔樞張公謹自

鄆陵帥諸豪右質子百餘人守虞城

鄆陵縣時屬洧州將即亮翻下同鄆

謁晚翻又於建翻又音偃帥讀曰率質音致下同

濬曰樞與公謹皆王世充將

諸州質子父兄皆反恐必為變瓌不應樞至虞城分質

子使與土人合隊共守城

合音閤

賊稍近質子有叛者樞

斬其隊帥於是諸隊帥皆懼

帥所類翻下同

各殺其質子樞不

禁梟其首於門外遣使白瓌

梟堅堯翻使疏吏翻

瓌陽怒曰吾所

以使與質子俱者欲招其父兄耳何罪而殺之退謂濬

曰吾固知崔樞能辦此也縣人既殺質子與賊深仇吾

何患乎賊攻虞城果不克而去 初竇建德以鄆陽崔

元遜為深州刺史

鄆陽縣屬饒州隋開皇十六年以定州安平置深州大業初廢新志武德

四年以定州之安平瀛州之饒陽置深州蓋竇建德及劉

黑闥反元遜與其黨數十人謀於野伏甲士於車中以

禾覆其上

又覆敷

直入聽事

聽讀曰廳

自禾中呼譟而出執刺

史裴晞殺之傳首黑闥

九月乙卯文登賊帥淳于難

請降置登州以難為刺史

文登本漢牟平縣地後齊置文登縣因文登山而名隋志

屬東萊郡時置登州兼領萊州之觀陽縣降戶江翻下同

突厥寇并州

厥九勿翻并卑名翻

遣左屯衛大將軍竇琮等擊之戊午突厥寇原州遣行

軍總管尉遲敬德等擊之

琮祖宗翻尉紆勿翻

辛酉徐圓朗自

稱魯王 隋末歙州賊汪華據黔歙等五州有衆一萬

歙州本新安郡隋平陳置歙州黔歙二縣屬焉歙音自攝黔音伊劉昫曰音同 縣南石墨嶺出石墨故也

稱吳王甲子遣使來降

使疏吏翻降戶江翻

拜歙州總管 隋末

弋陽盧祖尚糾合壯士以衛鄉里部分嚴整羣盜畏之

及煬帝遇弒鄉人奉之為光州刺史

弋陽漢縣南齊為郡梁置光州分扶

問翻 時年十九奉表於皇泰主及王世充自立祖尚來降

丙子以祖尚為光州總管

豪右考異曰實錄丙子以光州總管按

舊傳世充自立祖尚遂舉州歸款而實錄至此始見之蓋當時止稱刺史至此方遷總管耳

已卯

詔括天下戶口

徐圓朗寇濟州治中吳伋論擊走之

濟州隋之濟北郡漢置州刺史其屬有治中從事別駕從事自是兩官唐武德元年改郡太守曰州刺史郡丞曰別駕未嘗置治中今書濟州治中吳伋論豈即以別駕為治中邪下文又書徐圓朗昌州治中蓋此時官稱猶未定于一

癸未詔以太常樂工皆前代因罪配沒

子孫相承多歷年所

所謂樂戶也

良可哀愍宜並蠲除為民

蠲吉

且令執事若仕宦入流

令力丁翻入流者為流內官

勿更追集

甲申靈州總管楊師道擊突厥破之師道恭仁之弟

也

楊恭仁時鎮涼州厥九勿翻

詔發巴蜀兵以趙郡王孝恭為荆

湘道行軍總管

荆州南郡湘州長沙郡荆湘道以南朝荆湘所部言之下荆郢道類此

李

靖攝行軍長史

長知兩翻

統十二總管自夔州順流東下以

廬江王瑗為荆郢道行軍元帥

郢州隋之竟陵郡瑗黔于卷翻帥所類翻

州刺史田世康出辰州道

舊志漢辰陽縣隋改辰陽為辰溪縣乃分置沅陵縣乃置沅陵

郡唐改為辰州以沅陵為理所黔音琴

黃州總管周法明出夏口道

夏口即漢

口夏戶雅翻

以擊蕭銑是月孝恭發夔州時峽江方漲

蜀江迺三

峽謂之峽江

諸將請俟水落進軍

將即亮翻下同

李靖曰兵貴神速

今吾兵始集銑尚未知若乘江漲倏忽抵其城下掩其不備此必成擒不可失也孝恭從之淮安王神通將

關內兵至冀州與李藝兵合又發邢洛相魏恒趙等兵

合五萬餘人與劉黑闥戰於饒陽城南布陳十餘里黑

闥衆少依隄單行而陳以當之

宋白曰饒陽漢縣在饒河之陽今縣東北二十

里饒陽故城是也齊天保五年移於今理按饒陽縣則魏虜渠口置虜口鎮於此後為縣理洛音名相息亮翻

降戶登翻陳讀曰陣行戶剛翻

會風雪神通乘風擊之既而風返神通

大敗士馬軍資失亡三分之二李藝居西偏擊高雅賢

破之逐奔數里聞大軍不利退保藁城

藁城縣本屬恒州時屬廉州

黑闥就擊之藝亦敗薛萬均萬徽皆為所虜截髮驅之

萬均兄弟亡歸藝引兵歸幽州黑闥兵勢大振上以

秦王功大前代官皆不足以稱之特置天策上將位在

王公上冬十月以世民為天策上將領司徒陝東道大

行臺尚書令增邑二萬戶

唐爵九等王食邑萬戶今倍之陝失冉翻

仍開天

策府置官屬

天策府置長史司馬各一人從事中郎二人並掌通判府事軍諮祭酒二人謀軍事

贊相禮儀應接賓客典籤四人掌宣傳導引之事主簿
二人掌省覆教命錄事二人記室參軍事二人掌書疏
表啟宣行教命功倉兵騎鎧士
六曹參軍各二人參軍事六人以齊王元吉為司空世

民以海內浸平乃開館於宮西延四方文學之士出教

以王府屬杜如晦記室房玄齡虞世南文學褚亮姚思

廉主簿李玄道參軍蔡允恭薛元敬顏相時諮議典籤

蘇勗天策府從事中郎于志寧軍諮祭酒蘇世長記室

薛收倉曹李守素國子助教陸德明孔穎達信都蓋文

達宋州總管府戶曹許敬宗
諸王出命稱教相
息亮翻蓋古蓋翻並以本

官兼文學館學士

考異曰舊書參軍薛元敬承許敬宗下今從太宗實錄諸議典籤蘓勗

舊書作軍諮典籤今從實錄宋州總管府戶曹許敬宗舊書褚亮傳作著作佐郎攝記室敬宗傳擬連州別駕

今從實錄分為三番更日直宿更工供給珍膳恩禮優厚世

民朝謁公事之暇輒至館中引諸學士討論文籍

朝直

論盧或夜分乃寢又使庫直間立本圖像

庫直隸

褚亮

為贊號十八學士士大夫得預其選者時人謂之登瀛

洲

自來相傳海中有三神山蓬萊方丈瀛洲人不能至至則成仙矣故以為喻

允恭大寶之

弟子

蔡大寶輔後梁主蕭瑒

元敬收之從子

從才

相時師古之弟

頽頽師古以學名

立本毗之子也

閭毗以巧思事隋煬帝

初杜如晦為秦

王府兵曹參軍俄遷陝州長史

陝失冉翻長知兩翻

時府僚多補

外官世民患之房玄齡曰餘人不足惜至於杜如晦王

佐之才大王欲經營四方非如晦不可世民驚曰微公

言幾失之

幾居依翻

即奏為府屬與玄齡常從世民征伐參

謀帷幄軍中多事如晦剖決如流世民每破軍克城諸

將佐爭取寶貨玄齡獨收采人物致之幕府又將佐有

勇畧者玄齡必與之深相結

將即亮翻

使為世民盡死力

為于

偽翻下同

世民每令玄齡入奏事上嘆曰玄齡為吾兒陳事

雖隔千里皆如面談李玄道嘗事李密為記室密敗官

屬為王世充所虜懼死皆達曙不寐獨玄道起居自若

曰死生有命非憂可免衆服其識量 庚寅劉黑闥陷

瀛州殺刺史盧士叡觀州人執刺史雷德備以城降之

隋以東光縣置觀州大業初廢武德四年以德州之弓高胡蘇東光冀州之阜城蓼安陵觀津置觀州觀古喚

翻降戶江翻下同

辛卯蕭銑鄂州刺史雷長穎以魯山來降

隋平陳以江夏郡置鄂州治江南之江夏大業初復為郡蕭銑蓋置州於魯山

趙郡王孝恭

帥戰艦二千餘艘東下

帥讀曰率艦戶黥翻艘蘇遭翻

蕭銑以江水方

漲殊不為備孝恭等拔其荆門宜都二鎮進至夷陵

蕭銑

置宜都鎮於峽州夷銑將文士弘將精兵數萬屯清江

將即亮翻按水經注清江即狼山水也水色清照十丈分沙蜀人見其澄清因名清江吳分漢南郡之巫縣

立沙渠縣後周於縣立施州清江郡隋廢郡及州為清江縣

癸巳孝恭擊走之獲戰

艦三百餘艘殺溺死者萬計追奔至百里洲

自清江而東過歸州

峽州而後至百里洲

士弘收兵復戰

復扶又翻

又敗之進入北江

百里洲在

枝江縣江中江水至此分流出百里洲北而東流者因謂之北江敗補邁翻

銑江州總管蓋

彥舉以五州來降

梁以漢夷道縣置宜都郡宜昌縣後周置江州隋廢為巴山縣屬清江郡

蕭銑蓋復置江州

於此蓋古盍翻

毛州刺史趙元愷

魏州館陶縣舊置毛州隋大業

初州廢竇建德復置唐因之領魏州之館陶冠氏博州之堂邑貝州之臨清清水

性嚴急下不

堪命丁邠州民董燈明等作亂殺元愷以應劉黑闥

盛彥師自徐圓朗所逃歸王薄因說青萊密諸州皆下

之

萊州東萊郡後魏之光州也密州高密郡後魏之膠州也說輸芮翻

蕭銑之罷兵營

農也

見上卷三年

纔留宿衛數千人聞唐兵至文士弘敗大

懼倉猝徵兵皆在江嶺之外道塗阻遠不能遽集乃悉

見兵出拒戰

見賢通翻

孝恭將擊之李靖止之曰彼救敗之

師策非素立勢不能久不若且泊南岸

江陵南岸即馬頭岸

緩之

一日彼必分其兵或留拒我或歸自守兵分勢弱我乘

其懈而擊之

懈古隘翻

蔑不勝矣今若急之彼則併力死戰

楚兵剽銳未易當也

剽匹妙翻易以鼓翻

孝恭不從留靖守營自

帥銳師出戰果敗走趣南岸

帥讀曰率趣七喻翻又後須翻

銑衆委舟

收掠軍資人皆負重靖見其衆亂縱兵奮擊大破之乘

勝直抵江陵入其外郭又攻水城拔之大獲舟艦李靖

使孝恭盡散之江中諸將皆曰

將即亮

破敵所獲當藉其

用柰何棄以資敵靖曰蕭銑之地南出嶺表東距洞庭

洞庭湖在岳州巴陵縣

吾懸軍深入若攻城未拔援軍四集吾表

裏受敵進退不獲雖有舟楫將安用之今棄舟艦使塞

江而下

塞悉則翻

援兵見之必謂江陵已破未敢輕進往來

覘伺

覘丑廉翻又丑艷翻伺相吏翻

動淹旬月吾取之必矣銑援兵見

舟艦果疑不進其交州刺史丘和長史高士廉司馬杜

之松將朝江陵

交州隋交趾郡長知兩翻朝直遥翻

聞銑敗悉詣孝恭降

降戶江翻下同孝恭勒兵圍江陵銑內外阻絕問策於中書侍

郎岑文本文本勸銑降銑乃謂羣下曰天不祚梁不可

復支矣

復扶又翻

若必待力屈則百姓蒙患奈何以我一人

之故陷百姓於塗炭乎乙巳銑以太牢告于太廟下令

開門出降

考異曰高祖實錄癸巳趙郡王孝恭與蕭銑將文士弘相遇於清江合口擊之獲其戰

艦千餘艘下宜昌當陽枝江松滋四縣舊書孝恭傳攻其水城克之所得船散於江中諸將皆曰虜得賊船當藉其用何為棄之無乃資賊邪孝恭曰不然蕭銑偽境南極嶺外東至洞庭若攻城未拔援兵復到我則內外受敵進退不可雖有舟楫何所用之今銑緣江州鎮忽見船舸亂下必知銑敗未敢進兵來去覘伺動淹旬月

用緩其救吾克之必矣銑救兵至巴陵見船被江而下果狐疑不敢輕進太宗實錄孝恭傳進師至清江銑遣其將丈士弘以兵拒戰擊走之追奔至于百里洲士弘收兵復戰又敗之追入北江銑悉兵以拒之孝恭將戰李靖止之曰楚人輕銳難與爭鋒今新失荆門盡兵出戰此救敗之師也非其本圖勢不能久一日不戰賊必兩分留輕兵抗我退羸師以自守此則勢攜力弱擊之必捷孝恭不從遣靖撫營自以銳師水戰孝恭果敗奔于南岸賊委舟大掠人皆負重靖見其軍亂進兵擊之賊大敗乘勝進軍入其郛郭攻其水城剋之悉取其舟楫散於江中賊救兵見之謂城已陷莫敢輕進銑內外阻絕城中攜貳由是懼而出降唐歷孝恭靖乘勝進兵攻其水城剋之悉取其船艦散于江中諸將曰棄之無乃資敵靖曰不然云云如舊書所載孝恭語既而銑救兵見之謂城已陷莫敢輕進銑由是懼而出降按十道志荆門在峽州宜都縣界夷陵峽州縣名清江在峽州

巴山縣界百里洲在荊州枝江縣界江自此洲派別去江陵已近故銑悉兵死戰太宗實錄近為得實今從之其餘則參取四書之語孝恭以李靖為謀主守城者皆蓋靖畫策而孝恭為諸將言之今從唐歷

哭銑帥羣臣總線布幘詣軍門

帥讀曰率線倉四翻

曰當死者唯

銑耳百姓無罪願不殺掠孝恭入據其城諸將欲大掠

岑文本說孝恭曰江南之民自隋末以來困於虐政重

以羣雄虎爭

將即亮翻說輸芮翻重直用翻

今之存者皆鋒鏑之餘跂

踵延頸以望真主

踵不至地曰跂音夫智翻

是以蕭氏君臣江陵父

老決計歸命庶幾有所息肩今若縱兵俘掠恐自此以

南無復向化之心矣

幾居希翻復扶又翻

孝恭稱善遽禁止之諸

將又言梁之將帥與官軍拒關死者其罪既深請籍沒

其家以賞將士李靖曰王者之師宜使義聲先路彼為

其主鬬死

將即亮翻帥所類翻先悉薦翻下同為手偽翻

乃忠臣也豈可同叛

逆之科籍其家乎於是城中安堵秋毫無犯南方州縣

聞之皆望風款附銑降數日援兵至者十餘萬聞江陵

不守皆釋甲而降孝恭送銑於長安上數之銑曰隋失

其鹿天下共逐之銑無天命故至此若以為罪無所逃

死竟斬於都市詔以孝恭為荊州總管李靖為上柱國

賜爵永康縣公

永康縣屬婺州

仍使之安撫嶺南得承制拜授

先是銑遣黃門侍郎江陵劉洎畧地嶺表得五十餘城

未還而銑敗洎以所得城來降除南康州都督府長史

是年分端州之端溪置南康州仍置都督府府督端康封新宋龍等州時改總管府為都督府貞觀初始分上中

下州洎其冀翻長知兩翻

戊申徐圓朗昌州治中劉善行以須昌

來降

圓朗蓋以鄆州之須昌置昌州降戶江翻

庚戌詔陝東道大行臺尚

書省自令僕至郎中主事

六典曰漢官云光祿勳有南北廬主事三署主事於諸郎

之中察茂才高第者為之秩四百石次補尚書郎出宰
百里謝承後漢書胡伯蕃范滂公沙穆並以俊才舉孝
廉除郎中光祿勳主事後魏尚書吏部儀曹三公虞曹
都官二千石比部各量事置掌故主事員門下置主事
令史並從八品上隋初臺省並置主事令史煬帝三年
並去令史之名其主事隨曹閤劇而置每十令史置一
主事不滿十者亦置一人雜用才術之士
至唐並用流外入流者補之陟失冉翻

品秩皆與京

師同而員數差少

少詩
沼翻

山東行臺及總管府諸州並隸

焉其益州襄州山東淮南河北等道令僕以下各降京

師一等員數又減焉行臺尚書令得承制補署其秦王

齊王府官之外各置左右六護軍府及左右親事帳內

府

護軍唯秦齊二府有之他國不得置也親王親事府及帳內府各置典軍二人正五品上副典軍二人從

五品

閏月乙卯上幸稷州

武德三年以京兆之武功好時監厓置稷州又廢邠

州以鄆鳳泉二縣屬焉

己未幸武功舊墅壬戌獵于好時

武德二年分醴

泉置好時縣屬雍州因漢舊名也

乙丑獵于九峻

九峻山在雍州醴泉縣峻子紅翻

丁

卯獵于仲山戊辰獵于清水谷

隋志京兆宜君縣有清水

遂幸三原

三原本屬漢池陽縣界後周置建忠郡隋置三原縣唐屬雍州

辛未幸周氏陂壬申還

長安十一月甲申上祀圓丘

貞觀禮冬至祀昊天上帝於圓丘

杜

伏威使其將王雄誕擊李子通子通以精兵守獨松嶺

自宣州廣德縣東南過獨松嶺至
湖州嶺路險狹將即亮翻下同
雄誕遣其將陳當

陳當

之下合有世字蓋唐史
避太宗諱去世字也
將千餘人乘高據險以逼之多

張旗幟夜則縛炬火於樹布滿山澤子通懼燒營走保

杭州雄誕追擊之又敗之於城下
敗補 唐寅子通窮蹙

請降
降戶江翻 考異曰實錄是月丙申會稽賊帥李
子通伏誅按子通因杜伏威入朝始謀叛伏誅於

時未也舊紀是月子通以其地來降新紀庚寅
李子通降丙申謀反亦不寤伏威未入朝也
伏威執

子通并其左僕射樂伯通送長安上釋之先是汪華據

黟歙稱王十餘年雄誕還軍擊之華拒之於新安洞口

唐歙州隋之新安郡也新安洞口即歙州隘道之口先悉薦翻黥音伊歙音攝甲兵甚銳雄誕

伏精兵於山谷帥羸弱數千犯其陳

帥讀曰率下同羸倫為翻陳讀曰陣

戰纔合陽不勝走還營華進攻之不能克會日暮引還

伏兵已據其洞口華不得入窘迫請降聞人遂安據崑

山無所屬伏威使雄誕擊之雄誕以崑山險隘難以力

勝乃單騎造其城下

騎奇寄翻造七到翻

陳國威靈

陳唐國之威靈也

示

以禍福遂安感悅帥諸將出降於是伏威盡有淮南江

東之地南至嶺東距海雄誕以功除歙州總管賜爵宜

春郡公

袁州宜春郡

壬辰林州總管劉旻擊劉公成

公許延嗣

大破之

舊志慶州華池縣隋置武德四年置林州總管府

公成僅以身免部落

皆降

降戶江翻

李靖度嶺遣使分道招撫諸州所至皆下

使疏吏翻

蕭銑桂州總管李襲志帥所部來降

桂州隋志之始安郡

趙

郡王孝恭即以襲志為桂州總管明年入朝

朝直遙翻

以李

靖為嶺南撫慰大使檢校桂州總管引兵下九十六州

得戶六十餘萬 壬寅劉黑闥陷定州執總管李玄通

黑闥愛其才欲以為大將

將即亮翻下同

玄通不可故更有以

酒肉饋之者玄通曰諸君哀吾幽辱幸以酒肉來相開

慰當為諸君一醉

為于偽翻

酒酣謂守者曰吾能劍舞願假

吾刀守者與之玄通舞竟太息曰大丈夫受國厚恩鎮

撫方面不能保全所守亦何面目視息世間哉即引刀

自刺

刺七亦翻

潰腹而死上聞為之流涕

為于偽翻

拜其子伏護

為大將庚戌杞州人周文舉殺刺史王文矩以城應

徐圓朗幽州大饑高開道許以粟賑之

賑津忍翻

李藝遣

老弱詣開道就食開道皆厚遇之藝喜於是發民三千

人車數百乘驢馬千餘匹往受粟開道悉留之告絕於

藝復稱燕王

賑津忍翻乘絕登翻復扶又翻又音如字燕因肩翻

北連突厥南與

劉黑闥相結引兵攻易州不克大掠而去又遣其將謝

稜詐降於藝請兵援接藝出兵應之將至懷戎

舊志北燕州懷

戎縣後漢上谷之潘縣也北齊改為懷戎水經其中州所治也貞觀八年改北燕州為媯州

稜襲擊

破之開道與突厥連兵數入為寇

厥九勿翻數所角翻

恒定幽易

咸被其患

恒戶登翻被及義翻

十二月乙卯劉黑闥陷冀州殺

刺史麴稜黑闥既破淮安王神通移書趙魏

以戰國時趙魏大界

之言故竇建德將卒爭殺唐官吏以應黑闥庚申遣石屯

衛大將軍義安王孝常將兵討黑闥黑闥將兵數萬進

逼宗城

將即亮翻

黎州總管李世勣先屯宗城棄城走保洛

州

新志武德二年以黎陽縣置黎州宗城本廣宗縣隋仁壽初改為宗城縣避煬帝名也屬清河郡時置宗

州洛彌并翻

考異曰實錄世勣與黑闥戰於宋州我師敗績草命記李勣為大總管張仕貴為副領兵二萬

人入宋州勣以五百騎自探聞黑闥到南宮馳至宋州不入城而西過至洛州騎馬於南門外喚陳君賓党仁

弘秦武通等棄城西拔永年縣令程名振見武通狼狽走出馳馬向縣取家口入城城人恐相劫掠即閉城門

自守名振乃於城北門上以繩懸下將母妻男女步走西去不踰四五里母妻等被劫散失名振脫身而免黑

閩攻宋城破之仕貴以輕騎突圍而走投相州數日黑
閩大軍至洺州按舊地理志武德四年置宗州於宗城
縣宗字皆當作宗世勣名將必不至如革命記
所云但力不能拒而棄城耳今從舊書黑閩傳

甲子黑

閩追擊世勣等破之殺步卒五千人世勣僅以身免丙

寅洺州土豪翻城應黑閩黑閩於城東南告天及祭竇

建德而後入後旬日引兵攻拔相州

相息亮翻
曰實錄黑閩

考異
陷相

州在來年正月乙酉蓋奏
到之日也今從革命記

執刺史房晃右武衛將軍張

士貴潰圍走黑閩南取黎衛二州半歲之間盡復建德

舊境又遣使北連突厥頡利可汗遣侯斤宋邪那帥番

騎從之

使疏吏翻下同厥九勿翻俟渠之翻邪讀曰耶帥讀曰率騎奇寄翻

右武衛將軍

秦武通洛州刺史陳君賓永寧令程名振

永寧當作永年皆自

河北遁歸長安

丁卯命秦王世民齊王元吉討黑闥

昆彌遣使內附昆彌即漢之昆明也

昆明蠻在蠻蠻西以西洱河為

境西洱河即葉榆河也

舊州治中吉弘緯通南寧

舊州漢越雋郡地後周置嚴州

開皇六年改西寧州十八年改舊州南寧古南中味升麻諸縣之地武德四年置南寧州舊音髓

至其

國說之遂來降

說輸芮翻降戶江翻

己巳劉黑闥陷邢州趙州

庚午陷魏州殺總管潘道毅辛未陷莘州

隋開皇十六年以魏州之

莘縣置莘州大業初廢是年復以魏州之莘臨黃武陽
博州之武水置莘州考異曰實錄作莘州新書作業
州按地里志無業州必莘州也十道志開皇
十六年於莘縣置莘州舊志武德五年置

壬申徙

宗王元嘉為徐王

資治通鑑卷一百八十九



總校官庶吉士臣侍 朝

校對官檢討臣龔大萬

謄錄監生臣甄輔廷

財團
法人 佛陀教育基金